

**مطلقة ولكن...  
هنا محمد**

اسم الكتاب	مطلقة ولكن
اسم المؤلف	هنا محمد
النوعية	رواية
تصميم الغلاف	أحمد البدراوي
تنسيق داخلي	إسلام علي
رقم الإيداع	<b>2016/13313</b>
التقييم الدولي	<b>978-977-5653-00-0</b>
إشراف عام	أحمد زغلول

## جميع الحقوق محفوظة

لدار الورقة للنشر والتوزيع، وأي اقتباس أو تقليد أو إعادة نشر بشكل إلكتروني أو فوتوجرافي أو غيره، دون موافق كتابية، يعرض صاحبه للمساءلة القانونية.



**دار الورقة للنشر والتوزيع**

# مطلقة ولكن

هنا محمد



دار الورقة للنشر والتوزيع



# إهداء

إلى أشباه الرجال ..

لا تعتقد أن هناك أنثى ضعيفة أبدا

فحقيقة الأمر أنك أنت الضعيف



# الفصل الأول

## ﴿ أسيرة في بيت زوجها ﴾

في إحدى مناطق الأسكندرية الهادئة المطلة على البحر، تتعامد الشمس على أعين فتاة شقراء تقف في شرفة منزلها، يبدو أنها ماتزال في الجامعة أو حتى بالثانوية... ولكن حقيقة الأمر أنها كانت في أواخر العقد الثالث من عمرها، لتكشف ذلك الحزن الدفين الذي يسكن خلف أعينها العسلية الممزوجة بالخضار و الذي كان بسبب.....

- فلاش باك خمس سنين -

بعد ظهيرة يوم الجمعة في فصل الشتاء...تحديدا في شهر ديسمبر، خرج باسل من غرفته مرتديا بنطلون جينز أسود و قميص باللون الازرق الفاتح وعليه بلوفر رمادي و ساعته بماركة بالمان " BALMAIN ".

ذهب إلى غرفة المعيشة قائلا:

- حور.

- نعم يا باسل؟

- أنا نازل الشغل.

- دلوقتي! مش قلت ان أحنا هنخرج!؟

- لا أنا نازل.

- النهاردة الجمعة يا باسل... مش معقولة كده بنتك دي اللى مكملتش كام شهر مش من حقها تشوف باباها... بنتك مش المفروض إنها لها حق فيك، و أنت مش رايح الشغل أنت رايح





وطبعت على وجنتها قبلة رقيقة، لم تجيبها أيسل لأنها لم تكمل  
سوى ستة أشهر .

"باسل كان يكبر حور بخمس سنوات وكان مهندسا معماريا و  
مديرا عاما لشركة بناء و بيع عقارات، وكان عمره ثمانية  
وعشرون عاما أما حور فكانت معيدة بقسم الفيزياء الخاص في  
كلية العلوم و تبلغ الثالثة والعشرين من عمرها تزوجت في إجازة  
الصيف قبل بداية دراستها العام الرابع بالجامعة "

جهزت حور وجبة الغداء لها وقامت بعمل بعض من حليب  
الأطفال لابنتها، و تناولت غدائها هي وابنتها وجلست تداعبها  
قليلا حتى نامت أيسل،فرتبت حور منزلها وأخذت اللاب توب  
الخاص بها وجلست تدرس بجانب ابنتها النائمة في غرفتها. فحور  
تحضر رسالتها للماجيستير، بل وربما تكون قد أنهت جزءا كبيرا  
منها، فهي مجتهدة جدا في عملها.

نعم تزوجت... و عندها طفلة صغيرة، و على عاتقها الكثير من  
المسؤوليات، ولكن في أول الأمر وآخره هي إنسانه لابد وأن تحقق  
ذاتها، وأن تحقق أحلامها، وأن تكون صورة مشرفة لابنتها في  
المستقبل.

وفي ظل إنهماكها في المذاكرة سمعت صوت الباب يفتح وكانت  
الساعة قد تجاوزت منتصف الليل.

خرجت حور بهدوء لترى هل زوجها عاد أم ماذا!؟

نظرت إليه في ذهول من مظهره قائلة:



وهى حور , فقد حددت حور ميعاد مناقشتها للماجستير في منتصف شهر أبريل.

- جاء يوم المناقشة -

ارتدت حور فستانا واسعا باللون الأسود المنقط باللون الوردى الهادىء و عليه حزاما ورديا وطرحة وردية هادئة و نظارتها الشمسية السوداء، لتظهر في كامل أناقتها بثيابها التى لا تصف ولا تشف ولا تكشف.

ذهبت حور إلى كليتها وتابعت التجهيزات و هاتفت زوجها وكان الحوار:

- ألو السلام عليكم يا باسل أنت فين؟ باقى على البداية نص ساعة.

- معلش يا حور مش هقدر أجي مش بنتك معاكى إديها لمامتك وناقشى وأما ترجعى هقولك مبروك.

- شكرا يا بشمهندس مناقشة مراتك ومش هتضرها عموما براحتك.

- معلش بقه خلها عليكى.

وناقشت حور واخذت إمتياز مع مرتبة الشرف والتوصيه بالطبع كمان.

أقبلت والدة حور مهنئة لها:

- ألف مبروك يا حبيبتى بس إيه يا بنتى جوزك فين.

- مجاش يا ماما.
- فشاركهم أحمد والد حور في الحوار قائلا:
- اه صحيح يا حور باسل مجاش ليه.
- معرفش والله يا بابا قلى مش فاضى ومش هيقدر يجى.
- بدل ما يجى يفرح بمراته.
- خلاص يا إيناس بقه.
- أستأذنكوا أنا هاتى أيسل يا ماما.
- \*إيناس والدة حور ف العقد الخامس من عمرها 45 سنه،و  
أستاذة دكتوراة بقسم اللغه ألفتريسية بكلية البنات \*
- \* أحمد والد حور كان ايضا فى العقد الخامس فقد بلغ من العمر  
49 سنه،و أستاذ دكتور فى قسم الاتصالات بكلية الهندسة \*
- ذهبت حور؛ لالتقاط بعض الصور مع آساتذتها وابنتها و فى  
طريقها للعودة إلى المنزل أحضرت وجبة للغداء و عادت ومعها  
ابنتها.
- هاتفت حور زوجها كثيرا ولكن لم يكن يجيبها،و عندما أجاب كان  
الحوار كالاتى:
- ألو السلام عليكم ازيك يا باسل أنت فين.
- عايزة إيه أنا كويس.
- هترجع إمته.

- هرجع وقت ما أرجع.
- طب مستنيك علشان نتغدى مع بعض.
- حووور عايذة منى إيه خليكى ف بنتك وشغلك و اتغدى لوحذك أنا هتغدى برة.
- ماشى يا باسل براحتك سلام.
- أغلق الهاتف فى وجهها ولم يرد عليها حتى السلام.
- جلست حور وبين يديها صغيرتها وهى من المفترض أن تكون سعيدة لحصولها على درجة الماجستير، ولكن ها هى تجلس بمفردها مع ابنتها وحيدة ، وقبل أن تسقط دموعها نظرت إلى ابنتها وقالت:
- بصى يا أيسل أنا عايزاكى اشطر وحده يا بنوتى، عارفه الولاد الصغيرين والبنات الأجانب اللى بيخلصوا الدراسة بتاعتهم والجامعة وهما لسة صغيرين أنا عايزاكى زيهم بقه وهساعدك تبقى كده... أممم أيسل أنا عايزاكى عالمه كبيرة أوى.... عارفه كمان أنت أما تكبرى وتتفوقى كده هجبلك كل حاجة أنت عايزاها ..... يارب أعيش واشوفك أحلى عروسة فى الدنيا أنا مليش غيرك يا بنوتى الحلوة.... أقلك حاجة كمان بابى بيحبك وبيحبنى بس هو عصبى شوية متخافيش منه أنا عايزاكى تحببيه كثير خالص.
- ظلت تتحدث حور إلى ابنتها التى لم تكمل عامين بعد، فهى لا تملك غيرها تحدثه، حتى أنها تمادت فى أحلامها إلى أن رأتها عروس.

بعد قليل تغلب الملل على حور وظلت تتذكر ايام الجامعة و  
اصدقائها، و توقفت ذكرياتها عند تلك الصديقة التى رأتها اليوم  
في المناقشة ولكن لإنشغالها لم تستطع التحدث معها.

تناولت حور هاتفها و هاتفت صديقتها سيسيل:

- السلام عليكم ازيك يا سيسيل عاملة إيه؟ وحشاشنى أوى.

- يااااااه يا حور فينك وحشتينى أوى الجواز شغلك عننا أوى  
كده، بس تصدقى يا بت مناقشتك النهاردة كانت جميلة جدا  
وبنوتك زى القمر زى مامتها اومال جوزك كان فين؟

- جوزى.. هههههههه لا أصله مكنش فاضى.

- أنت بتهزرى يا حور.

حور بانهايار:

- سيسيل أنا عايضة اطلق.

- أنت اتجننتى يا بنتى.

- لا يا سيسيل أنا بجد عايضة اطلق.

- أنت والله اتجننتى إهدى فى إيه يا حور ده أنت لسة متجوزة  
من تلت سنين و بنتك مكملتش سنتين أنت بتخرى بيتك ليه يا  
حور؟

- يا سيسيل حرام عليكى أنا محدش حاسس بيبيا أنا عايضة لوحدى  
أصلا أنا اللى بشتغل وأنا اللى بصرف على نفسى وبنتى وهوا بييجى  
يهزقنا ويقرفنا و يمشى لا بياكل معانا ولا يبشرب معانا.

توقفت عن الحديث هنيهة ثم اكملت:

- يبقى إيه لازمته... إيه يجبرني يا سيسيل؟

- لا يا حور مش كده.

يدخل باسل الغرفة فجأة ليربك حور و يجعلها تغلق الهاتف في وجه صديقتها.

باسل بعصبية شديدة:

- أنت يا ست هانم.

- هاه باسل أنت جيت أمته؟

- عايزة تطلقى قوليلي يا حبيبتى أطلقك أنت فاكهه انك تفرقى معايا، بس أنت عايزة تطلقى يا حور هتسيبى بنتك ومش هتشوفها تانى.

- أنت بتقول إيه؟ أنت مجنون!

- شوفتى يا كتكوته عايزة تعيش مع بنتك بيقه تترزعى هنا بإحترامك وأنا اللى أقول تعملى إيه ومتعمليش إيه إحمدى ربنا يا ماما انى مقعدتكيش ف البيت.

تضم حور ابنتها إلى حضنها و هى تبكى قائلة:

- حرام عليك يا باسل أنت بتعمل فييا كده ليه؟ أنا عملت فيك إيه؟

- آخرسى يا بت مش فايقلك وبطلى دموع التماسيح دى أنت كدابة أصلاً أنا مش عارف إزاي اتجوزتك اساساً.



- كفاية بقه كفاية حرام عليك أنت مبتحشش ليه؟
- يا بنتى لمى نفسك بدل ما أتعصب عليكى.
- و تركها و خرج من الغرفة لتنام حور فى غرفة ابنتها و تضمها إليها و دموعها على خدها بسبب معاملة زوجها لها.
- مرت الأيام و يتغير الطقس ولكن الطقس فى منزل حور وباسل لا يتغير، مازال طقسا مشحونا ومليئا بالجفاء من جانب باسل المؤدى إلى الحزن الشديد المدفون فى قلب الحور.
- ذلك الحزن الذى دائما ما يدفعها إلى التقدم فقد بدأت حور فى تحضير الدكتوراه.
- و فى يوم خرجت حور مع صديقتها سيسيل لتنزه ابنتها قليلا و تروح عن نفسها و اثناء قيادة حور للسيارة و هم عائدون إلى المنزل دار بينها و بين سيسيل الحوار الاق:
- حور مش اللى هناك ده باسل هوا عنده اخت؟
- هاه أنت بتقولى إيه اخت! لا باسل معندوش اخوات بنات.
- أمال مين المزة اللى معاه دى؟
- قالت حور باندهاش:
- مزة مين أنت بتهزرى فىن دى؟!
- يا بنتى هناك أهوه نزل معاه من العربية وداخلين النادى.
- وجهت حور بصرها نحو إشارة سيسيل و صدمت عندما رآته بالفعل يترجل من سيارته و بجانبه فتاة.

أوقفت حور سيارتها هي الأخرى أمام النادي و قالت لسيسيل أن  
تاتي معها إلى الداخل.

اوقفتها سيسيل قائلة:

- أنت رايحة فين يا مجنونه؟!

- أحنا هنتمشي عادى واكيد هنشوفه وهتعرفى هعمل إيه.

- طب هاتي البنت علشان تعرفى تتخانقى.

- لا استنى نقعد ف الكافي نشرب حاجة.

و بالفعل جلسو على احد المقاعد داخل الكفيتيريا وجائهم  
الجرسون لآخذ الطلبات.

- تشربو إيه؟

- فريش مانجو و أنت يا سيسيل؟

- فريش جوافه.

- تمام خمس دقائق.

حور و سيسيل تناولوا العصير و من ثم قالت حور:

- يللا نتمشى.

- ماشى.

و بعد قليل همست سيسيل إلى حور قائلة:

- هاتي أيسل علشان باسل هناك اهوه.

- خديها بس احنا هنتمشي عادى جدا ماشى لحد ما نقرب منهم.

- ماشى يا حور.

و عندما اقتربوا منهم تركت حور سيسيل و توجهت ناحية باسل  
الواقف بجانب تلك ألفتاة المجهولة و ممسك بيدها.  
أما سيسيل فإبتعدت و وقفت تراقت الموقف من بعيد و هى  
تحمل أيسل.

و ما ان أنتبه باسل إلى وجود حور بجانبهم حتى ترك يد ألفتاة  
هاتفًا بتعجب:

- حووووور!!

- ماشاء الله باسل بيه البشمةهندس المحترم قاعد مع بنت اتكسف  
على دمك بقه ده ان متجوز.

- آخرسى و وطى صوتك.

- باسل لو عايز تصيع وتقابل وتكلم وتخرج طلقنى عايز منى  
إيه؟ لا مهتم بييا ولا ببنتك خلااص طلقنى يا باسل طلقنى.

- أطلقك ماشى يا حور بس بالشرط اللى قلته و لينا بيت نتكلم  
فيه وملكيش دعوة أنا أعمل اللى اعمله.

ولكن يقاطع هذا الجو الحار والمشحون صوت أنوثى يحمل  
نسمات مليئة بالبرود كما انه شديد الرقه قائلا:

- اوووه معلش يا بسولتى متزعلش هيا بس اكيد متضايقه شوية  
عشان متعرفش أنا مين.. متضايقيش يا رورو أنا إسمى نور  
سكرتيرة باسل ف الشركه وخليكى فرى شوية فككى الطرحه دى

اكيد هيا اللى خنقاكى مش كده يا بسولتى هوا أنت جاييها منين  
دى؟!

و أمسكت بيده من جديد ونظرت باستحقار إلى حور، فقالت  
حور بضيق:

- أنت عارفه أنا لابسه حجاب ليه علشان أحافظ على نفسى.  
علشان جسمى وشعرى مش سلعة الناس تتفرج عليها يا هانم يا  
محترمه، وجايينى منين جايينى من بيت اهلى مش زيك جاييك  
من الشركة يخون معاكى مراته ولعلمك أنا بحضر دكتوراه فى كلية  
علوم يا حبيبتى، و مش هنزل لمستواكى باى باى باسل أنا مروحة  
وخللى الأمورة تنفعلك يا بشمهندس باى باى يا ست السكرتيرة.

و تركت حور باسل مذهولا من جرئتها فى الرد التى لم يعتاد عليها،  
و ذهبت إلى سيسيل لتأخذ ابنتها و يخرجو من ذلك النادى الذى  
تلوث بالخيانة.

نعود إلى باسل و نور:

- مين الفلاحه دى يا باسل؟

- الفلاحه دى تبقى مراتى.

- و اتجوزتها إزاي دى يا باسل عجبتك إزاي وللا عرفتها منين.

- بصى مكذبش عليكى هوا أنا أما شوفتها كانت لسة طالبة فى  
الجامعة، ومتفوقه وشاطرة وأمورة وأنا لسة متخرج و قابلتها فى  
حفلة تخرج وحدة قريبتنا وكانت هيا صحبة البنت اللى بتتخرج،  
وشوفتها بالصدفه البحته كلمت اهلى وكلمت قريبتنا دى

وروحه اتقدمتها، وأما اعدت معاها لقيتها بتفكر وهادية ورقيقة وأمورة ومزة مزة يعنى بس واتخطبنا واتجوزنا، وكنت الأول بعاملها حلو وبحبها لحد ما اتخرجت بأمتياز رغم أنها حامل وبعدين بقيت بكرها و مش طايقها و قلت أما تولد ممكن احبها علشان البيبي محبتهاش تانى، وهى ماخدتش إجازة يعتبر لأنه اجازتها كانت مقضياها بتفكر فى موضوع الماچيستير لدرجة إنها خلصت جزء كبير منه و مش هقللك إنها مشغولة بشغلها بس يعنى. هى بتهتم بالبيت و بنفسها و كمان بالبنت بس أنا زهقت منها و عايز أطلقها بس مش عايز استغنى عن بنتى، و اهى اعدا فى البيت تنضف و تاخذ بالها من بنتى و تعمل اكل عشان لو مكلتش برة أرجع ألقى اكل.

- إهدى يا باسل متزعلش يا حبيبي أنا معاك أهوه وخليها هى الخدمة فى البيت.

- ربنا يخليكى يا حبيبتى صحيح أنت مزعلتيش من كلامها؟
- لا خالص أهم حاجة عندى أنت... أممم بس بردو أنت ظبطها.
- متقلقيش ده أنا أما أرجع هربيها دى شكلها نست نفسها ألا قوليلي أنت جوزك فين يا بنتى و فين عيالك؟
- ماهو أنا معنديش عيال واتجوزت وجوزى سافر مرضتتس اسافر معاه و اهو اسمى متجوزة.
- طب يا نور تعالى نتغدى وبعدين نروح.
- ماشى يا بسولتى.

- أموووت فيكى أما غيظتيها وقتليلى بسولتى قدامها.
- يلا بقه يا بيبي سييك منها.
- و تناولو غذائهم معا.
- نعود إلى حور و سيسيل حيث تركناهم في طريقهم للخروج من  
النادى.
- حور و دموعها على وجنتيها:
- ليه ياربي أنا عملت إيه علشان يحصل كده؟
- إهدى يا بنتى هتسوقى إزاي كده؟
- مش عارفه أنا تعبت يا سيسيل حرام بجد اللى بيعمله فييا ده.
- طب شيلي بنوتك يا حبيبتى وإهدى ادخلى اقعدى وأنا هسوق  
واحكيلى ف الطريق.
- ماشى سوقى أنت.
- طب تحبى تروحي بيتك وللا تيجى عندى و ماما بس اللى ف  
البيت وكده كده بيت مامتك خمس دقائق من بيتى.
- ماشى يا سيسيل ربنا يخليكى لييا يارب.
- توجهو إلى بيت سيسل و رحبت بهم والدة سيسيل (سلمى) كثيرا:
- السلام عليكم ازيك يا ماما؟ حور معايا وأيسل بنتها.
- قالت سلمى مرحبة بهم:



- اسكتى أنت دلوقتى.

سيسيل بصوت عالى ليصل إلى أمها:

- حاضر يا ماما جايبين اهوه.

تناولو غدائهم معا و اخذت حور أيسل من والدة سيسيل و شكرتها لاعتنائها بها.

ودعوا جميعا أم سيسيل و ذهبو إلى بيت اهل حور، و سيسيل قادت سياراتها و سارت خلف سيارة حور.

ما ان وصلو إلى بيت اهل حور و رأتهم والدتها حتى قالت بفرع:

- سيسيل.. حور.. أيسل... فى إيه؟!

- متقلقيش.. مفيش حاجة يا طنط.

- ادخلوا يا بنتى.. مالك يا حور فيكى إيه فىن جوزك؟

- ده زبانااا يا ماما أنا.....

يقاطع كلام حور رنت هاتفها:

- السلام عليكم... نعم؟

- وعليكم السلام يا هانم فينك أرجع البيت دلوقتى، والساعة 10

بالليل وأنت مش فى البيت دايرة على حل شعرك فىن يا بت

أنت؟



- بس اسكت خالص هو أنا زيك أنا عند ماما وبابا عايزنى تعالى  
خدنى من عند اهلى أنا مش طايقاك أصلا... أقلك تعالى وهات  
معاك مآذون علشان تطلقنى.

وأغلقت الهاتف فى وجهه و إنهارت فى البكاء.

عنفتها والدتها إيناس قائلة:

- أنت اتجننتى يا بنتى إيه اللى قلتيه ده؟!

جاء أحمد فزعا على صوت زوجته:

- فى إيه يا ولاد خير؟... سيسيل اهلا بيكى يا بنتى.

قالت إيناس فى غيظ:

- ولا حاجة شوف بنتك.

- يا بابا ده انسان زبالة أنا عايزة اطلق.

- إهدى بس يا حور مش كده.

تدخلت سيسيل قائلة:

- طب أستأذن أنا يا جماعة.

أجابتها حور:

- سيسيل هطلب منك طلب ارجوكى أنت عارفه انى معنديش

اخوات وأنت اختى.

- قولى يا حور اللى عايزاه هعملهولك يا حبيبتى.

- تاخدى آيسل معاكي هتلاقى كرسى الاطفال فى عربيتى خديه  
وشيليهيا فى عنيكى يا سيسيل... خلى بالك منها دى بنتى اللى  
مليش غيرها وخايفه أبوها يجى ياخدها علشان خاطرى خديها  
معاكى أنهارده بس وهجيك الصبح اخدها من عندك.

حاولت إيناس ان تتدخل:

- بس يا حور...

قاطعها أحمد قائلا:

- استنى أنت يا إيناس.

اكملت حور:

- علشان خاطرى يا سيسيل أنا عارفة إنى بتقل عليكى بس معلش  
استحملينى.

- حاضر يا حور.. متقوليش كده يا بنتى أنت اختى و متقلقيش  
عليها يا روحى خدى بالك أنت من نفسك بس أهم حاجة.

غادرت سيسيل ومعها آيسل.

ما ان غادرت حتى تابعت إيناس:

- بنتك اتجننت رسمى يا أحمد.

- إيناس ادخلى جوه وسيبينى مع حور شوية.

دخلت إيناس إلى غرفتها وتركتهم يتحدثون:

- تعالى اقعدى جمبى يا بنتى وبطلى عياط قوليلى حصل إيه؟

- ده انسان زباله يا بابا ده بتاع بنات ده حقير.
- طب هنحللها يا حبيبتى بس مش طلاق حافظى على بيتك وعلى بنتك.
- إزاي يا بابا بس أنت متعرفش عمل إيه؟
- إهدى يا حور واحكى.....
- قاطع كلامهم صوت دق على الباب.
- إيناس افتحى يا حبيبتى.
- فتحت إيناس الباب قائلة:
- ازيك يا ابنى.
- فين الهانم.
- إهدى بس يا ابنى و اتفضل.
- دخل باسل ولكن رفع صوته قائلاً:
- حور.
- قاطع كلامه أحمد محاولاً تهدئة الأمور:
- بشمهندس باسل جوز بنتى بنفسه عندنا اتفضل يا حبيبي احنا أعدين هنا.
- جلس باسل و تابع بصوت أهدى:
- عجبك كده اللى بنتك بتعمله ده يا بشمهندس تمشى من بيتها
- .....و



- نعم ياختى متجوزة بقالك اكثر من تلت سنين ومتعرفيش جوزك  
بيشرب كام معلقه سكر!

- اه يا ماما.

- اه وبتقولها عادى كده... ماهو أنا معلمتكيش يعنى إيه  
مسؤلية كل حياتك شغلك ودراستك وبنتك وبس، والله لو اتجوز  
عليكى حقه... هتخربى بيتك بايدك يا حور.

- يا ماما كفاية فى إيه هوا أنت مامتى وللا مامته؟

- مأتك وخايفه عليكى ترضى تبقى اسمك مطلقة... يا بنتى ده  
ضل راجل ولا ضل حيطه.

- إيه يا ماما الجو ده أو مال لو مكنتيش أستاذة دكتورة وفاهمه  
سيبتى إيه لى مش متعلمين؟!

- يا بنتى دى عادتنا وتقاليدنا واللى اترينا عليه مالهاش دعوة  
بمتعلمين وللا جهلة.. مينفعش البنات تطلق أنت لسة صغيرة  
وكمان معاكى بنت الناس تقول عليكى وعليها إيه؟

- كفاية ملكوش دعوة ببنتى أنا هخليها احسن وحده.

نعود لأحمد وباسل:

- مزعل مراتك ليه يا باسل؟

- مش مزعلها يا عمى بنتك متدلعه.

- احكيلى إيه اللى حصل؟

- ولا حاجة يا عمى كل الحكاية كنت قاعد فى النادى مع  
سكرترقى فى الشركة.

- لوحدكو؟

- اه يا عمى السكرتيرة دى متجوزة أصلا.. هيا اللى شككاه  
وهايفه وكمان فاكرة إنها كده بتراقبنى.

تابع باسل ولكن بصوت اعلى:

- على فكرة أنا هاخدها معايا البيت هى على زمتى ومراقى.

سمعته حور وجاءت على صوته قائلة بإنفعال:

- أما صحيح بجح بتعلى صوتك على راجل اد أبوك يا بشمهندس  
يا محترم الصبح ماسك ايد ست متجوزه، وكنت شوية وهتحضنها  
وهيا تقللك بسولتى ولأبسة لبس متفهمش لأبسه إيه وللا مش  
لأبسه إيه دى، يبقى لىك حق تعالى صوتك على راجل اد أبوك  
ماهو أنت لو والدتك عرفتك الحلال من الحرام والصح من الغلط  
عمرك ما كنت هتعمل كده.

قاطعها أحمد:

- حور إهدى.

تابعت حور ولكن بانهيبار شديد فهى لم تكن لتسمح لأحد  
بالتحدث فقد فاض بها الكيل:

- بس أنا اللى غلطانه أنا أستاهل أنا اللى اتخدعت بالمظهر  
وسمعت كلام الناس.... أنا اللى حبيتك وأنت متستاهاش أنا اللى

اختارت لبنتى أب غلط وأتهمنى إنها تسامحنى على اختيارى الغلط  
ده.... أنت حتى متساهلش تكون أب... أنت واحد مش مقدر  
النعمة اللى ربنا ادهالك... وبعدين هوا أنت قاعد معانا، خلاص  
سيينا ف حالنا بقه طل.....

لم تكمل الكلمة حتى سقطت على الارض مغشيا عليها.

إيناس بصدمة:

- ياااالهوى بنتى... يا حور.

باسل بيروود شديد:

- رشو عليها شوية مية بتعرفى تمثلى أوى يا حور.

عنفه أحمد قائلا:

- بااااسل مش وقته يلا شيلها معايا نوديبها المستشفى.

باسل بتأفف:

- طيب يا عمى.

وفى سره \* أما نشوف آخرتك يا ست زفته \*

حملوها و أخذوها سريعا بالسيارة إلى اقرب مستشفى لهم، وما

إن دخلوا ومعهم حور حتى عم التوتر فى المستشفى.

مرت اكثر من ساعة و حور فى الغرفة و معها الكثير من الأطباء و

الممرضات يحاولون إفاقتها ولا أحد يطمئنهم.

بعد مرور اكثر من ساعتين خرج أحد الأطباء قائلا:





- نعود إلى أحمد في المستشفى -

- يا دكتور مراني مالها وبنتي ممكن تفوق أمته؟

- حضرتك مدام إيناس أغمى عليها بس ويعتبر فاقت و هنعلقلها محاليل علشان ضغطها واطى أوى، أما مدام حور فلازم حضراتكم تدعولها تفوق الأول علشان نقدر نحدد حالتها ربنا يطمئنك عليها هيا ووالدتها أستاذنك معلش هروح اتابع باقى الحالات.

- إتفضل يا ابنى.

جلس أحمد على الكرسي بين غرفتيهما محدثا نفسه: \* يااارب اشفيهم يارب مليش غيرهم، يارب حور تكون بخير علشان أيسل يارب أنت كريم أوى يارب خليك جنبنا يارب \*  
قاطع تفكيره ودعاؤه صوت الممرضة تنادى قائلة:  
- بشمهندس أحمد تقدر تدخل لمدام إيناس.

دخل أحمد إلى زوجته قائلاً:

- حبيبتي أنت كويسة؟

- بنتى يا أحمد مالها فيها إيه؟

- إهدى بس متقلقيش قومي كده وهزوحلها نقعد معاها الصبح و هتفوق ان شاء الله.

- مالها بنتى يا أحمد قللى بنتى فيها إيه؟ أنا عايزة اطمئن عليها.



ركب باسل سيارته و توجه إلى منزله.

- نعود إلى المستشفى -

- أنا عايزة اروح لبنتى يا أحمد.

- حاضر يا إيناس.

خرج أحمد لينادى الممرضة لتساعده فى إيصال إيناس إلى غرفة حور.

حور نائمة كاملاك بملامحها الهادئة و شعرها الذهبى الحريري المفروود بجانبها و الاجهزة محيطة بها يدخل والداها فيراها بتلك الحالة , فتقول إيناس ب بكاء:

- بنتى حبيبتى قومي.. قومي يا حور علشانى أنا وبابا طب علشان بنتك يا حور بنتك ملهاش غيرك قومي يا حبيبتى.

- إهدى يا إيناس.

فى مكان آخر يدور حديث بين سيسيل وأمها:

- ماما أنا هروح اودى أيسل لحور واطمن عليها الساعة بقت 10 الصبح أهوه.

- طب هتروحيلها بيتها وللا عند مامتها؟

- عند مامتها.

ركبت سيسيل سيارتها ومعها أيسل متجهة إلى بيت والدة حور ووصلتا سريعا فالبيت كان قريبا جدا، ظلت سيسيل تقرع الجرس

و تدق على الباب و ما من أحد يجيبها حتى رأّت سيدة تصعد  
الدرج قائلة:

- حضرتك عايزة الدكتوراة إيناس والبشمهندس أحمد؟

- اه يا طنط بس مين حضرتك وهما فين؟

-أنا بهية يا بنتى مرات البواب الدكتوراة حور أغمى عليها امبارح  
وجريوا بيها على المستشفى الساعة 1 بالليل ومجوش من ساعتها.

- طب شكرا لحضرتك وده رقمى لو رجعوا قوليلى.

- حاضر يا بنتى.

- نعود إلى المستشفى -

إيناس لم تترك ابنتها طيلة اليوم ولم تستطع حتى النوم ولكن مع  
آذان المغرب تذكرت شيئاً هاماً فقالت:

- أحمد سيسيل معاها أيسل خليها تجيبها وتيجى بكره الصبح  
خد رقمها اهوه.

- حاضر هكلمها.

أخذ أحمد منها الرقم و خرج من الغرفة ليتصل بسيسيل..

- السلام عليكم انسه سيسيل؟

- وعليكم السلام يا فندم.. مين؟

- أنا بشمهندس أحمد والد حور.

- اه يا عمو ازى حضرتك؟ حور مالها خير؟

وقصت عليه ما حدث عندما ذهبت إليهم في الصباح و ما قالتها  
زوجة البواب و أنها كانت تحاول الإتصال بحور ولكن هاتفها  
مغلقة.

فأجابها قائلاً:

- حور في غيبوبة يا سيسيل خلى بالك من أيسل وهاتيهما وتعالى  
بكره الصبح.

- غيبوبة.. حاضر يا عمو متقلقش أيسل في عنيا.

- ربنا يخليكى يا بنتى.

أغلق أحمد الهاتف معها و دخل إلى الغرفة و أخبر إيناس بأنه  
تحدث إلى سيسيل وجلسوا مع حور حتى الليل و لكن هى لم  
تحرك ساكنا.

قال أحمد لإيناس بأن يذهب إلى غرفتها ليرتاحا قليلا فهى مازلت  
في غيبوبتها و بعد الكثير من المحاولات اقتنعت إيناس و ذهب  
إلى غرفتها ليرتاحا، و في الصبح ذهبت إيناس لتتفقد ابنتها و  
ذهب أحمد لإحضار سيسيل إلى الغرفة فكانت قد وصلت إلى  
المستشفى ولكن لا تعلم مكان غرفة حور.

في ذلك الوقت كانت إيناس تتحدث مع حور لعلها تفيق من  
سباتها، فيقاطع حديثها دخول سيسيل و أيسل بصحبة أحمد.

جلست سيسيل بجانب حور ومعها أيسل التى كانت لا تنطق  
سوى كلمات قليلة جدا، ما إن رأت والدتها حتى قالت:

- مامى.

وعندما لم ترد عليها والدتها ظلت تبكى.

لتاقي المفجأة الكبرى عندما تقول إيناس:

- بنتى اتحركت بنتى فتحت عنينا إنده للدكتور يا أحمد اندهلوا  
بسررررعة.

- حاضر حاضر.

وذهب أحمد لينادى على الدكتور.

فتقول حور بدهشة:

- أنا فين؟... سيسيل ازيك؟ ماما ازيك؟ وحشتونى.

- الحمدلله يا بنتى أنت عاملة إيه حسا بتعب او اى حاجة؟

- الحمدلله يا قمر قلقتينا عليكى.

- إيه يا جماعة فى إيه منا كويسة اهو و زى الفل هوا احنا فين؟

إيناس بتعجب:

- يارب دايمها يا حبيبتى.

نعود إلى أيسل التى كانت تستمع إلى صوت والدتها وفجأة قررت

مقاطعتهم وقالت:

- مامى.

حور بذهول:

- او مال مين.....

- يقاطع كلامها دخول والدها بصحبة الدكتور، فتقول حور بهرح:
- بابا إزيك؟... رجعت أمته من السفر؟ ومين اللى معاك ده صاحبك؟
- الحمد لله يا بنتى.
- ونظر إلى الدكتور بتعجب فأشار له أن يجيب على أسألتها بشكل طبيعى و يحاول مجاراتها فى الحديث.
- فأكمل أحمد كلامه:
- اه يا حبيبتى لسة راجع من السفر و عمو ده دكتور صاحبى.
- حور بشغب وضحك كعادتها:
- و عمو ده اسمه إيه يا بابا؟... حضرتك اسمك إيه يا دكتور؟
- أجابها الدكتور:
- أنا اسمى د. حسام يا حور.
- تدخلت والدتها قائلة:
- تقصد مد..
- الدكتور لم يدعها تكمل وقال:
- استنى لو سمحتى يا مدام إيناس.. ها يا حور عاملة إيه؟
- بخير والله يا جماعة فى إيه؟ أنا كويسة اهوه.
- بنظمن عليكى مش عايزة وللا إيه؟
- طب أنا هنا بعمل إيه؟

- ولا حاجة يا ستى اهلك كانوا خايفين عليكى شوية بس أنت كويسة اهو.

فجأة تنظر حور من حولها لتتاكد من المكان الذى هى فيه و كيف أنت لعلها تتذكر سبب مجيئها لانه من الواضح انهم يخفون شيئاً.. اثناء تفقدها للغرفة رات مرآة النافذة تعكس صورتها و ما إن رأت نفسها حتى صاحت بصوت عال جدا قائلة:

- شعرى شعرى بااااااين يا ماما اطلع بررررة اطلع بررررة  
أنت إزاي تدخل و تتكلم معايا كمان و شعرى باين وأنت يا بابي  
مدخل صاحبك وأنا كده طب وأنت يا مامى إزاي متغطيش  
شعرى قبل ما راجل يدخل.... أنت لسة واااااااقف اطلع برة.

خرج د.حسام بهدوء وسط ذهول من اهل حور.

لتعنفها أمها قائلة:

- إيه اللى عملتيه ده يا حور؟ ده الدكتور!

- خلاص يا إيناس محصلش حاجة أنا طالع للدكتور.

- سيسيل هو الساعة كام.

- الساعة 12 يا حور الظهر على آذان.

- طب يا سيسيل قومينى بسرعة و سيبى البنات اللى معرفش  
مين دى و يلا عندنا إمتحان الساعة 2.

إيناس و سيسيل فى صوت واحد:

- إمتحان إيه يا حور؟!



- إمتحان الفيزيا يا جماعة في إيه؟!
  - يا بنتى أنت اخرجتى!
  - يا حور ده احنا متخرجين بقالنا سنتين.
  - أنتو بتهزرو صح يا سيسيل احنا ف أولى لسة و عندنا إمتحانات.
  - تنظر حور إلى إيناس في تعجب، فتقول إيناس:
  - طب استنى يا حور... سيسيل هاتي أيسل يا حبيبتي و روحى اندهى للدكتور او أحمد.
  - حور تنظر إلى أيسل و أيسل تنظر لها في هدوء تام فيقاطع ذلك الهدوء رد سيسيل:
  - حاضر يا طنط.
  - استنى يا سيسيل هيا مين أيسل دى؟
  - سيسيل بتلعثم:
  - أممم اي ايس ايسل.
  - في إيه يا سيسيل ما تتكلمى؟
  - تدخلت إيناس لتنقذ الموقف:
  - استنى يا حور سيسيل روحى نادى الدكتور يا حبيبتي.
  - في إيه يا جماعة كل حاجة نادو الدكتور هو أنا مجنونة!!!



- باى.

بعد انتهاء باسل من الحديث معها راح فى سبات عميق و لم يفيق إلى بعد صلاة الظهر، بعدما استيقظ أخذ حماما دافئا ليرخى أعصابه و من ثم ارتدى ملبسه الأنيقة و أخذ مفاتيح سيارته و تحرك متجها إلى بيت دينا كما كان يعتقد.

- نعود إلى المستشفى عند حور -

د. حسام يدق الباب قائلا:

- ممكن ادخل؟

تقول حور لوالدتها:

- هاتى طرحة بسرعة يا مامى غطى شعرى؟

اعطتها والدتها غطاء لرأسها و غطت شعرها و قالت إيناس:

- اتفضل يا دكتور.

- السلام عليكم.

ردت حور بهدوء:

- وعلیکم السلام.

- بصى يا حور ممكن تقوليلى عندك كام سنه؟

- 18.

- طب بتدرسى إيه يا حور؟

- سنه أولى كلية علوم.



- نعم بنتى أنا!!!!!!

- اه بنتك.

- مامى هوا الكلام ده صح؟

- اه يا حور صح.

- وأنت يا سيسيل الكلام ده صح متاكده؟

- ايوة يا حور.

- أنتو بتكدبو عليا يا جماعة جبتها أمته وإزاي دى؟ .. طب جبتها

يعنى أنا متجوزة إتجوزت أمته وأنا عندى 18 سنه؟ طب أصلا

إتجوزت مين!! طب هو فين اللى اتجوزته ده أصلا؟

- للاسف يا جماعة حور فقدت جزء من الذاكرة.

قالت ايناس بصدمة:

- فقدت إيه؟... إيه اللى حضرتك بتقوله ده!!

- لو سمحتوا حد ينده باباها بس من برة علشان يسمع اللى

هقوله.

قالت إيناس:

- اندهيله يا سيسيل معلش.

- حاضر.

حضرت سيسيل و معها والد حور فقد أخبره الدكتور بان ينتظر فى

الخارج قليلا حتى يطلب منه الدخول.

عند دخولهم قال الدكتور:

- بصوا يا جماعة نتكلم بالعقل شوية و أنت يا حور ياريت تسمعى للآخر.. دلوقتي حور جالها فقدان جزئى فى الذاكرة اتعرضت لصدمة تانية، أول صدمة فى حياتها كانت موت جدتها و تانى صدمة اللى جأبتها هنا، حور نسيت اللى حصل بين الصدمتين و إن شاء الله ترجع زى الأول و أحسن بس بمساعدة كل واحد فىكو حتى أيسل.

قال الجميع بتعجب:

- أيسل!!!

-ايوة أيسل.. مفيش أم هتنسى بنتها، و دى أول حاجة متأكد إن حور هتفتكرها حاولوا أيسل تفضل مع حور طول الوقت اقعدها معاها و فكروها بكل حاجة فى حياتها بالذات الحجات الحلوة.

قالت حور بيأس:

- طب هو أنافضل كده لحد أمتة؟

-المدة دى أنت اللى هتحدديها حاولى تفتكرى يا حور و ركزى فى كل كلمة بتتحدثك و حاولى تفتكرها، حور أنت شخصية ناجحة أى أنت اتخرجتى و اخدتى كمان الماچيستير و أنا واثق إنك هتكملى الدكتوراه ، و هتتغلبى على كل حاجة فى حياتك.. أنت كمان متجوزة و عندك بنوته زى القمر أهيه حاولى ترجعى زى الأول و احسن علشانها.



- ماشى يا مزة باى.

- باى.

أنهى باسل المكاملة و سعد لتلك العمارة و دق باب الشقة التى  
وصفتها له.

فتحت له فتاة و دار الحوار كالآتى:

- باسل بيه اتفضل نورتنا.

- مين دورى؟

فخرجت فتاة من إحدى الغرف تقول:

- لا أنا اللي دورى.

- طب أنت دينا؟

خرجت فتاة من غرفي أخرى تقول:

- لا أنا اللي دينا.

- او مال أنت مين؟

- أنا اسمى رنيا.

- تشرفنا او مال فين نور يا دينا؟

خرجت نور من المطبخ بعدما سمعت صوته قائلة:

- أنا أهوه يا بيبى إتعرفت على البنات وللا لسة؟

- اه رنيا و دينا و دورى.

أحاطت نور رقبته بذراعيها قائلة همكر:



- دول بس؟! ده لسة في بنات تانى.
- و جبتهم مين دول يا نور؟
- عادى بقه يا بيبى المهم وحشتنى تعالى نقعد أنت لسة واقف.
- جلسوا جميعا -
- قال باسل:
- مقلتيليش بردو يا نور مين البنات دول؟
- هقللك يا سيدى بس قللى الأول الموكوسة بتعتك عاملة إيه؟
- ولا اعرف عنها حاجة يا روحى.
- احسن بردو ف داهية ... اقلك بقى مين البنات دول بس الأول اعرفك على الباقي.
- هو لسة في باقى؟!!
- اه اومال إيه يا بسولتى... كاميليا.. شذا.. ميرنا....كريمة.. مار.. سعديّة.. ريهام.
- جاءت جميع الفتيات قائلات:
- نعم يا ست نور.
- باسل باندهاش واضح:
- ست نور... إيه يا نور مين دول مش مرتاحلك؟!!
- استنى بس يا باسل اقعدو استريحو يا بنات و كل وحدة تقول اسمها و سنّها لباسل بيه يللا من أول دينّا:

- دينا 20 سنه.

- دورى 23 سنه.

- كاميليا 16 سنه.

- رانيا 19 سنه.

- كريمة 25 سنه.

- ميرنا 18 سنه.

- شذا 21 سنه.

- لمار 17 سنه.

- سعدية 29 سنه.

- ريهام 26 سنه.

باسل باندهاش اكثر:

- إيه ده 16 سنه!!! و لحد 29 سنه!! إيه اللى أنت جايهاهم دول

يا نور و جايهم منين؟

- يا بنات يللا روحو جهزوا بقية الأكل وخطوه على بال ما اتكلم

مع باسل بيه.

- حاضر يا ست نور.

قال باسل فى عدم صبر:

- أهم مشيوا... فهمينى بقى يا نور!

- عادى يا سيدى... دول حبة بنات من الشارع...و كل اللى  
عايزينه فلوس و خلاص... وكده كده ملهمش حد، فجمعتهم فى  
الشقه دى.

باسل بسخرية شديدة:

- و مجمعاهم ليه يا نور هتحفظيهم قرءان؟ إيه اللى أنت  
عاملاه ده يا نور؟  
- إيه يا بسولتى عايزين ننبسط بقى... ده أنا محضراك يوم  
جميل.

- نور...أنت عاملة بيت دعاره؟

- وإيه المشكلة يا بيبى؟

- مش خايفه؟؟

- وهخاف من إيه يا باسل؟

- يتقبض عليكى مثلاً.

- يا عم روح محدش يعرف عننا حاجة علشان يقبض علينا، و

كمان هى البلد فى إيه وللا فى إيه؟

- أممممم.

- سيبك أنت بس يللا ناكل ..... إيه يا بنات فىن الاكل؟

تحضر فتاة فى سرعة قاتلة:

- حاضر يا ست نور... دقيقة هيكون الأكل اتحط.

نعود إلى المستشفى، حيث طلب د. حسام من سيسيل الذهاب معه للتحدث معها بشأن حور:

- بصى يا سيسيل أنت أقرب واحدة لحور... مش كده؟  
- أيوة يا دكتور.

- يعنى تعرفي عنها كل حاجة؟

- أيوة.

- طب عندك استعداد تساعدى حور؟

- اكيد.

- يبقى تنفذى اللى هقولهولك بالحرف الواحد.

- حاضر.

- بصى أول حاجة لازم نكلم جوزها.

- طب إزاي! و هو السبب أصلا ف اللى حصلها.

- ماهو احنا هحاول نخليه يغير تعامله معاها و نتكلم معاها.

- بس ده شخصيته صعبه أوى يا دكتور.

- ربنا معانا بقى.

- ياااارب.

- دى أول حاجة... تانى حاجة تاخدى بالك يا سيسيل... خلى

أيسل جنب حور 24 ساعه... خللها معاها على طول.

- تمام.

- كلميها عن شغلها و حياتها و صداقتكم و كل حاجة حصلت ف الكام سنه الى هيا مش فاكراهم دول.
- حاضر يا دكتور.
- بس خللى بالك حاولى متفكر بيهاش بأى حاجة تضايقها.
- طب تمام... هنكلم جوزها أمته؟
- دلوقتى بس قوليلى الأول جوزها ده اسمه إيه؟ و بيشتغل إيه؟  
و ف سنها و لا اكبر؟
- اسمه باسل...هو مهندس معمارى ومدير عام شركة لبناء و بيع عقارات و هو أكبر منها بخمس سنين.
- طب ممكن تدينى رقمه لو معاكى؟
- تمام حاضر اتفضل.
- أخذ د.حسام من سيسيل الرقم و قام بالإتصال به.
- نعود إلى باسل الجالس في بيت نور او دعنا نقول بيت الدعارة  
التي تديره نور فيعلوا صوت رنين هاتفه فتقول نور:
- مين بيكلمك يا بيبى؟
- مش عارف ثوانى معلش ارد.
- يرد باسل على المتصل:
- ألو.
- بشمهندس باسل؟

- ايوة مين؟
- مع حضرتك د. حسام اللى بيتابع حالة مراتك الدكتورة حور.
- ايوة مالها ماتت و لا إيه؟
- د.حسام بدهشة:
- لا يا فندم هيا بخير بس كنت عايز اقابل حضرتك ياريت تحدد أقرب معاد يناسبك.
- أمممم ممكن بكرة الساعة 2 الظهر بس ليه؟
- هتعرف لما تيجى.
- ماشى.
- تمام يا فندم مع السلامه.
- مع السلامه.
- قالت نور فى قلق مصطنع و دلح:
- مين ده يا بسولتى؟؟
- الدكتور بتاع المحروسة عايز يقابلنى مش فاهم فى إيه!
- هتقابله أمته؟
- بكره فلانم أمشى.
- أممممم طيب بص احنا انهاردة اتغدينا سوا وناخد سهرتنا ف يوم تانى نتفق عليه و البنات هيكونو موجودين بردو.
- ماشى يا حبى.. باى يا نور باى يا بنات.

- باى يا بيبى.

قالت البنات مودعينه:

- باى يا باسل بيه.

خرج باسل من ذلك المنزل متجها إلى بيته.

نعود للمستشفى بعدما أنهى د. حسام الحديث مع باسل، ورأته

سيسيل شاردا فقالت:

- قللك إيه يا دكتور؟

- هييجى بكره الساعة 2.

- طب كويس.

قال د. حسام بإستغراب:

- بس تخيلى بقله إني الدكتور اللى بتابع حالة مراتك دكتورة حور

يقللى مالها ماتت!!! انسان غريب أوى بجد.

- هو باسل كده يا دكتور... اومال اللى حصل لحور ده من شوية

ربنا يصبرها.

- يارب.

- أستاذن أنا علشان اروح اشوف حور.

- تمام اتفضلى اوعى تنسى تنفيذى اللى اتفقنا عليه و تعالى بكره

الساعة 2 علشان نتكلم مع بشمهندس باسل، و أنا هعدى علي

حور بالليل أو ممكن بكره.

- تمام يا دكتور سلام عليكم.

- و عليكم السلام.

بعد خروج سيسيل قال د. حسام محدثا نفسه:

- يا ترى حور هترجع طبيعية تاني؟ طب حتى لو فكرناها ماهي هتفتكر ذكرياتها كلها مع الكائن اللى اسمه باسل ٥٥... طب ماهو ممكن يضيقها تاني، البنت باين عليها ناجحه و نشيطة ... لا البنت دى تقدر تكون أقوى و هتقدر تصمد قدام كل الصعاب... و الغريب إنها حتى و هيا تعبانه مهتمه بحجابها و باين محدش يشوفها من غيره.... مش زى البنات اللى ما بتصدق تدخل عند دكتور و تفك الطرحه بأى حجة و من غير أى سبب... الحمد لله إن لسة فى بنات عندها حياء.

نترك حسام و نعود إلى سيسيل المتجهة إلى غرفة حور و ما إن دخلت حتى قالت:

- طنط إيناس روى روى فى أوضتك يا حبيبتي و الدكتور هيجى يظمن على حور بالليل.. و حضرتك يا عمو خليك مع طنط وأنا هاخذ بالى من حور و أيسل.

- طب يا بنتى روى أنت.

- تعالى يلا أوصلك.

- لا يا عمو أنا هكلم ماما و أفضل مع حور و أيسل.

قالت إيناس بإمتنان:



- ربنا يكرمك يا حبيبتى.
- اخذ أحمد إيناس و استندت عليه حتى وصلوا إلى غرفتها.
- تناولت سيسيل هاتفاها و حدثت والدتها:
- السلام عليكم.
- و عليكم السلام ازيك يا سيسيل.. حور عاملة إيه؟
- الحمدلله يا ماما أنا كويسة بس حور فقدت جزء من ذاكرتها و الدكتور طلب منى افضل معاها.
- خلاص يا بنتى خليكى معاها ربنا يخليكوا لبعض يارب و يحفظكوا.
- يارب يا ماما.
- عايزة حاجة يا حبيبتى؟
- لا يا ماما شكرا.
- مع السلامة يا بنتى خدى بالك من نفسك و منها ومن أيسل و من طنط إيناس.
- حاضر يا ماما مع السلامة.
- كانت الممرضات قد وضعوا لحوور بعض المهدئات لتنام، فجلست سيسيل مع أيسل تداعبها و تطعمها و مر ذلك اليوم بسلام و جاء الليل فنامت سيسيل و كانت أيسل نامت قبلها و لكن كانت هناك أم ما تزال مليئة بالقلق على ابنتها و تتحدث مع زوجها بكل ضيق:



- تستيقظ سيسيل قائلة:
- يا صباح الخير على أحلى مامى فى الدنيا.
  - صباح النور يا سيسيل.
  - تاخذى أيسل جمبك على بال ما اقوم أعملها ببرونه؟
  - ماشى.
  - تعرفى الباشمهندس باسل؟
  - بشمهندس باسل مين؟
  - تعرفى إيمى صحبتنا؟
  - أها...الى فى رابعة مالها؟
  - لا ما هى اترجرت... البشمهندس باسل ده قرييها.
  - ماله بقى؟
  - ده بيقى جوزك.
  - بتهزرى أكيد... و هو عرفنى مينين؟
  - لا ماهو أحنا حضرنا حفلة تخرجها و هو كان موجود وسلم علينا واعجب بيكى وكده.
  - أممم... صحيح هو أحنا اترجرتنا؟
  - ياااااااااا ده أحنا اترجرتنا وأنت خدقى الما جيستير كمان.
  - بجد الحمد لله.

نتركهم في رحلتهم مع الذكريات و نذهب إلى غرفة إيناس، لنسمع صوت إيناس قائلاً:

- اصحى يا أحمد بقى.

أحمد في وسط نومه:

- نعم يا إيناس.

- ودينى أطمئن ع بنتى.

- نامى زمنها لسة نايه.

- طيب طيب.

حاولت إيناس النوم ولكن لم تستطع فانتظرت قليلا ثم قالت بصوت عالٍ قليلا ليستيقظ:

- أحمد يا أحمد اصحى بقى.

فقال أحمد بنفاد صبر:

- نعم يا إيناس حاضر حاضر هقوم.

قالت بحزن:

- ودينى عند بنتى... ماهو لو أنا بقدر اتحرك لوحدى كنت رحت.

قال بحنو:

- طيب حاضر.

نتركهم و نذهب إلى باسل الذى استيقظ على صوت رنين هاتفه  
معلنا اتصال نور به. قالت نور فى رقة:

- صباح الفل يا بيبى.

- صباح الورد.

- عايزينك تيجى تسهر معنا بقى فى المكان بتاعنا و البنات  
هيبقو موجودين إيه رأيك؟

- ياريت والله بس مش عارف أمته.

- لا اتصرف...عايزاك تيجى يوم قبل ما الموكوسة تفوق.

- فكرتيني بمناسبة الموكوسة عندى معاد مع الدكتور بتاعها بعد  
ساعتين...أسيبك بقى علشان الحق اقوم كده و افوق و البس.

- ماشى يا بسولتى باى.

- باى يا روحى.

أنهى باسل حديثه مع نور و ارتدى ملابسه و قاد سيارته متجها  
إلى المستشفى.

نعود إلى غرفة حور لنستمع إلى حديثهم:

- على فكرة يا حور أنت ناجحة جدا و ناس كتير بتحبك.

- بجد؟

- آه والله.

- بجد بترفعى معنوياتى.

- أنت اختى يا هبلة.
- مامتك عاملة إيه؟
- الحمد لله بخير بتسأل عليكى على طول.
- سلميلى عليها.
- إيه رأيك فى أيسل؟
- شبهى أوى.
- أكيد دى بنتك.
- رغم إنى مش مصدقة... بس ربنا يحفظها لى.
- وصل باسل، و سأل على مكتب د. حسام، و دق الباب ثم دخل:
- اتفضل يا بشمهندس باسل نورتنا.
- باسل بغرور:
- شكرا. خير المدام مالها؟
- طب معلىش ثوانى.
- يرن د. حسام على الزر الموجود جانبه لتأتى الممرضة قائلة:
- نعم يا دكتور.
- اندهى د. سيسيل ضرورى دلوقتى هتلاقىها فى غرفة د. حور ابعتها لى.
- حاضر يا دكتور.
- قال د. حسام موجهها كلامه إلى باسل:

- معلىش د. سىسىل لازم تكون موجوده علشان هيا اللى بتتابع  
معايا حالة حور.

قال باسل بلا مبالاة:

- طيب تمام.

ذهبت الممرضة لتنادى سىسىل، و فى سرعة شديدة تلبى سىسىل  
النداء و تدق على باب مكتب د. حسام قائلة:

- ممكن ادخل؟

- اتفضلى يا سىسىل.

- أهلا وسهلا يا دكتور... أهلا يا بشمهندس؟

باسل بأمتعاض:

- أهلا بيكى يا سىسىل.

قال د. حسام بحزن :

- دلوقتى يا أستاذ باسل أنا مضطر أقولك إن مدام حورفاقت بس  
فقدت جزء كبير من ذاكرتها.

باسل ببرود:

- و أنا هعمل إيه؟

د. حسام بعصبية مكتومة:

- والله!! حضرتك المفروض عليك أكبر دور... مش تقولى هاعمل  
إيه!

قالت سيسيل بضيق:

- يا دكتور حسام مش قلتك ده شخص ميتاخدش منه حق ولا باطل...أصلا ده هو السبب ف اللى هى فيه.

قال د.حسام محاولا تهدئتها:

- إهدى يا سيسيل مش.....

يقطاعه باسل بعصبية:

- إيه يا سيسيل أنت نسيتى أنا مين ولا إيه...اعرفى بتكلمى إزاي الأول و بعدين اتكلمى...و افكرى إنها مراقي و ممكن أخرجها من المستشفى حالا ومحدث هيقدر يتكلم.

- بشمهندس باسل ياريت تهدي شوية و بعدين مفيش حاجة اسمها تعرف بتكلم مين...سيسيل معيدة ف كلية علوم مش سكرتيرة عند حضرتك.

- و الله حضرتك يا بشمهندس يا محترم لو عايز الناس تحترمك كنت على الاقل هتتحترم مراتك مش بسببك تترمى ف المستشفى كده ولا تسأل فيها اقول إيه بس.....

قال د. حسام محاولا تهدأت النار التى اشتعلت فى مكتبه:

- استنى يا سيسيل دلوقتى... يا بشمهندس باسل حضرتك هتساعدنا و لا مش هتساعدنا؟

قال باسل باستفزاز:



- والله مكنتش دكتور.. لو كنت هساعدها أنا مكنتش جبتها  
المستشفى، و أنا مضطر أمشى علشان عندي اجتماع.

قالت سيسيل بعصبية:

- شايف يا دكتور ال.....

يقاطعها د. حسام بهدوء:

- اتفضل يا بشمهندس.

يخرج باسل من الغرفة بدون إلقاء السلام حتى.

سيسيل بعصبية شديدة:

- شايف يا دكتور الانسان الحقير ده أنا عايزها تنساه مش  
أفكرها بالكائن ده.

- إهدى يا سيسيل مينفعش كده... لازم أنت تتمالكى اعصابك  
علشان تقدرى تقفى جنب حور.

- حاضر يا دكتور.

- دلوقتي حاولى تفكرى حور بشغلها و دراستها و كل حاجة حلوة  
ف حياتها بس.

- حاضر.

- و بعدين أنت هتعملى إيه ف شغلك و الحضور فى الكلية  
بتاعك أنت و حور؟

- عايزة اروح اخد إجازة اعتيادى و أخذ ورق من المستشفى و  
اعمل إجازة لحور.

- تمام هديكى ورق حور النهاردة و التقرير الطبى اللى هتقدميه  
و اعملى إجازتك و إجازتها بكره، و حاولى متتأخريش علشان  
تقعدى معاها.

- حاضر يا دكتور.. فى أى حاجة تانية؟

- لا شكرا... خليكى مع حور بس، و تابعيها على طول، و لو حصل  
اى حاجة ادينى خبر.

- حاضر.. سلام عليكم.

- و عليكم السلام.

- نتركهم و نعود إلى باسل الذى خرج من المستشفى متجها إلى  
الشركة ليتفقد عمل الموظفين ثم عاد إلى منزله.

- نذهب إلى المستشفى من جديد. سيسيل عادت إلى غرفة حور،  
فسألتها حور باهتمام و فضول شديد:

- د. حسام كان عايزك ليه يا سيسيل؟

- عادى يا حور بس كان بيقولى إنى أعملك إجازة من الجامعة و  
آخذ إجازة و كده... بس مش اكر.

- طيب.

- صحيح مش عايزة تشوفي نفسك وأنت فى حفلة التخرج؟

- بجد ورينى.

- هوريكى يا ستى.

نتركهم و نعود لباسل الذى مر يومه سريعا حتى جاءه صوت هاتفه معلنا اتصال نور:

- هاى بيبي.

- هاى يا حبي ازيك؟

- تمام ما تيجى شوية يا باسل محدش موجود أنهاردة أنا والبنات بس.

- لا مش هينفع يا نور... بس عايز اقعد اتكلم معاى.

- طب تحب نتقابل فين؟

- هعدى عليكى و نقعد فى أى مكان نتكلم.

- طيب يا بيبي مسافة ما تيجى هكون جهزت.

- ماشى يا حبي... باى.

- باى.

ما أن أنهموا حديثهم معا حتى ارتدى باسل ملأبسه، و أخذ مفتاح سيارته ، وسار بها متجها إلى البيت الذى تديره نور، لإصطحابها و الجلوس على أحد المقاهى المطلة على النيل، و ما إن جلسوا حتى بادرت نور قائلة:

- فى إيه يا باسل؟

- رحى المستشفى انهاردة.

- طب و بعدين الموكوسة مالها؟

- فاقت بس فقدت جزء من الذاكرة.

- طب وأنت هتعملها إيه؟

- ده اللى قلتاه للدكتور... و صحبتها اللى اسمها سيسيل دى رددت عليا بطريقه ضايقتنى... و قتلهم إنه بايدي أخرجها من المستشفى و محدش يقدر يعترض.

- تصدق فكرة.

- فكرة إيه يا مجنونه أنت!

- خرجها من المستشفى و احرق قلبهم عليها شوية طالما صحبتها دى بتتكلم بقلة أدب، علشان يبجو يبوسو رجلك علشان تخليها تدخل المستشفى تتعالج.

- بس يا نور.

- مبيشش يا بسولتى هو ده الحل علشان يتعلمو الأدب.

- عندك حق.

جلس باسل مع نور لتشرح له خطتها بشأن إذلال حور و أهلها، كما أعطته علبه صغيرة جدا قالت له أن يفتحها ويتناولها قبل الذهاب إلى المستشفى. و بعد ذلك أعادها إلى منزلها و عاد إلى منزله و خلد إلى النوم.

نعود إلى المستشفى حيث تجتمع أسرة حور الصغيرة فى غرفتها، و معهم سيسيل صديقتها، و عند عودتنا نجد سيسيل تقول:

- يلا ننام بقى.

فقال إيناس بأبتسامه:

- فكرتينا بحجات كتير حلوة يا سيسيل.

- اه والله يا إيناس فعلا.

وجدت سيسيل حور شاردة فقالت في خوف تحاول اخافؤه :

- إيه يا حور مالك؟

قالت إيناس بقلق:

- حووور رددى!

بينما حأول أحمد التظاهر بالهدوء وقال:

يا حور رددى علينا!

كانت حور تنظر لهم ولكن لا تجيب كأنها في عالم آخر.

قالت سيسيل بعدما تمالكت أعصابها:

- بالراحه يا جماعة... أيسل هتصحى... ثوانى هودى أيسل تنام في

أوضتك يا طنط إيناس و انده الدكتور... و حاولوا تندهلها

بالراحه.

ذهبت سيسيل و معها أيسل و تركوا إيناس و أحمد في

محاولاتهم مع حور.

أخبرت سيسيل الممرضة بأن تظل بجانب الطفلة، و أسرعت

متجهة إلى مكتب د.حسام الذى ذهب معها في قلق، لأنه لم

يفهم من سيسيل حالة حور بالظبط، ولكن توقفت عقارب

الساعة عند باب الغرفة عندما قال د. حسام لسيسيل بأن تتأكد من أن حور ترتدى حجابها أم لا ثم تناديه ليدخل. دخلت سيسيل بالفعل، و غطت شعر حور ، و أذنت له بالدخول، و عندما دخل وجد والدتها تقول بصوت عالي جدا:  
- يا حور رددى.

فقال د. حساك محاولا تهدأتهم:

- استنوا يا جماعة.. أنتو كنتم بتتكلموا معاها ف إيه؟  
قال أحمد بحزن:

- مفيش يا بنى كانت سيسيل بتحكلها عن حفلة التخرج و بتورينا الصور و بتفكرنا بأيام الأمتحانات بتاعت سنة رابعة عندهم وبعدها لقيناها بقت كده.

- طب هيا ممكن تكون بس سرحت و بتفتكر الحاجات دى.  
فقال سيسيل باقتناع:

- يمكن.

دعونا نتسلل إلى احلام حور حيث علا صوت فى أذنها قائلاً:  
الطالبة المثالية و الحاصلة على المركز الأول "حور أحمد" , تعالى التصفيق و المباركات و جاءت أولى المباركات من.....

قالت إيناس بفرح شديد :

- ألف مبروك يا حبيبتى.

بينما قال أحمد بفخر:

- بنتى حبيبتى عقبال ما اشوفك عالمة كبيرة يارب.

و أيضا سيسيل قالت بهرح:

- صحبتى و أختى ألف مبروووووووووووووووووووووو.

و فجأة تدخل شخص غريب ربما غريب عن حور الآن ولكن فى

حفلة التخرج لم يكن غريبا إنه.....

نعود إلى غرفة حور حيث يتابع الجميع حالة حور من سكون إلى

فرح إلى إبتسامه إلى ضحكة و من ثم دموع.... أهى دموع الفرح

أم الحزن؟

قال د. حسام محاولا افاقتها :

- حور اصحى.

بينما قالت إيناس فى قلق:

- بتعيطى ليه يا حبيبتى؟

ثم قال أحمد بصوت عال قليلا:

- حووووو.

أنتبهت حور إلى الصوت وظلت تنظر حولها ثم قالت:

- هاه... نعم. أنا فىن؟

قال د. حسام فى هدوء:

- متخافيش يا حور ركزى و هتعرفى.





- وأنتم من اهله.

بعدما غادروا أخذت حور أيسل قائلة:

- أيسل حبيبة مأمى هتنام فى حضانها.

جلست حور تداعب ابنتها... لم ترد سيسيل مقاطعتهم فقالت:

- أنا هنام... تصبحوا على خير.

- وأنت من اهله.

وبعد قليل نامت حور وأيسل أيضا وغط الجميع فى سبات عميق.

فى صباح اليوم التالى...

استيقظ باسل و ذهب إلى المستشفى وعندما وصل عند غرفة

حور دخل بطريقة همجية حتى أنه لم يطرق على الباب.. عندما

دخل بتلك الطريقة قالت سيسيل بعصبية:

- أنت إزاي تدخل كده؟!!

- داخل أوضة مراتى...عندك مانع؟

نظرت حور له بتمعن ثم قالت:

- أنت مين؟

باسل بصوت عال جدا مما أفزع الصغيرة النائمة:

فووووووووووووووووووى يا ماما فوووووووووووووووووى.

قالت سيسيل بصدمة:

- أنت عايز إيه؟



عاد باسل إلى عصبيته قائلاً:

- أنت هتستهيلى؟

قالت حور باستغراب وخوف:

- فى إيه؟ أنت بتزقق كده ليه؟ أنا عملتلك إيه؟

قال باسل ببرود:

- مش عاجبك انى بزقق طيب.....

و ما كاد يكمل جملته حتى هوت يده على وجهها الرقيق  
بصفعة جعلتها تفقد وعيها من الصدمة.

قاطع ذلك المشهد العنيف دخول د. حسام بصحبة سيسيل فقال  
د. حسام بغضب:

- مينفعش اللى أنت بتعمله ده.

فرد عليه باسل بصوت عالى:

- أنا هاخذ مراتى، وهترجع معايا البيت.

تدخلت سيسيل بحزن قائلة:

- منك لله.

عنفها باسل بشدة وقال:

- آخرسى خالص أنت وامشى من وشى.

قال د. حسام بهدوء:

- التزم حدود الأدب لو سمحت و دكتورة سيسيل ياريت تروحي  
تقعدى مع أيسل افضل ممكن تكون خايقة من الممرضات.
- مش أنت اللى هتعلمنى الأدب يا دكتور.
- جاء والد حور و والدتها على الصوت بينما خرجت سيسيل من  
الغرفة. قالت إيناس بلوم شديد لباسل:
- بنتى...أنت عايز منها إيه تانى؟
- ولكن قاطع الكلام صوت ضعيف قادم من حور التى فتحت  
أعينها للتو:
- أنا فين؟ أنت مين؟
- فقال د.حسام محاولا تهدأة روعها:
- متخافيش يا حور.. ولكن غلبت حور عن الوعى مرة أخرى.
- فقال باسل باستفزاز:
- إيه الحنية دى كلها يا دكتور؟
- و تابع حديثه قائلاً:
- حالا تكون كاتبلى ورقة خروجها من المستشفى.
- قال د. حسام محاولا الاعتراض :
- بس مينفعش د. حور لسة متعالجتش.
- مش شغلتك أنت دى.
- تدخل أحمد قائلاً :

- أنا والدها وعايضا تتعالج.

فرد باسل عليه بوقاحة:

- وأنا جوزها و عايضا ترجع معايا دلوقتى.

قالت إيناس فى رجاء:

- يا بنى بالله عليك سيبها تتعالج.

- لا يا دكتورة إما ترجعوها معايا حالا أو هرفع عليكوا قضية و  
أخذ مراتى.

أحمد فى يأس:

- لا يا ابنى قضايا وشوشرة على بنتنا ليه خلاص نشوف الدكتور  
و ترجع معاك.

قال د. حسام باستغراب:

- أنتو بتقولوا إيه؟ هى لعبة؟ حرام عليكوا... دى إنسانه و  
نفسيتها متدمرة وفاقدة الذاكرة.

قال باسل باستفزاز:

ملكش دعوة أنت.

خرج د. حسام من الغرفة فى يأس وحدث نفسه قائلا:

- ياترى هيجراك إيه يا حور؟

ترك باسل الغرفة وذهب إلى مدير المستشفى و أخرج حور منها،  
وعاد بها إلى المنزل ولكن إيناس فقدت وعيها بسبب ما حدث و

لم تخرج من المستشفى. أما سيسيل فظلت تعتنى بأيسل وتتفقد  
والدة حور و تدعوا الله ان يحفظ حور مع ذلك الكائن المتعجرف.  
نذهب إلى منزل حور حيث تنام حور على سريرها بمفردها  
بعدما رفض باسل قدوم أى حد معها إلى المنزل، ولكنه لم يكتف  
بذلك فقط... فقد تركها وحدها أسيرة في بيتها وذهب ليقابل تلك  
المدعوة نور.

ذهب باسل إلى نور في بيتها السرى بالعبور، و أخبرها بما فعل و  
مرت ليلته مليئة بالسعادة، كما شكرها على ما كان بداخل العلبه  
فكان ذلك سببا كبيرا في تنفيذه لخطتها بنجاح.

بعد قليل أفاقت حور على صوت هاتف يرن في جيبها، فقد كانت  
سيسيل وضعت لها دون علم باسل لكي تستطيع الإطمئنان عليها.

ردت حور على الهاتف:

- السلام عليكم... مين؟

- أنا سيسيل يا حور.

- آه ازيك يا سيسيل؟.. أيسل بخير.

- أيوة يا حبيبتي... طمني علىكي.

- الحمدلله.. أعده على السرير.

- طب وباسل فين؟

- مش عارفه... بس مش سامعة صوت في الشقة.

- أممم طيب ماشى يا حبيبتي خدى بالك من نفسك وهبقي  
أكلمك أظمن عليكى تانى.

- ماشى تسلمى.... سلام عليكم.

- وعليكم السلام.

خرجت إيناس من المستشفى، وأخذ والد حور أحمد رقم الهاتف  
الخاص بد.حسام،وأخذت سيسيل أيسل معها إلى بيتها من جديد.  
فى ذلك الوقت كان باسل لا يمل من سهراته مع نور و فتياتها.

تمر الأيام و باسل فى الصباح فى عمله و فى المساء مع نور... لا  
يعود إلا فى وقت الفجر وربما بعده، أما سيسيل فكانت تتصل  
بحور كثيرا لتحاول إرجاع ذاكرتها. ومن ثم استغل والد حور غياب  
باسل الدائم عن المنزل و أصبح يعطى مواعيدا للدكتور حسام  
وبعض الأطباء الآخرين أثناء غياب باسل عن المنزل ولكن فى  
حضوره و حضور والدتها وسيسيل و بالطبع أيسل... مما جعل  
حالة حور تتحسن، و فى غضون بضعة اشهر كانت حور استرجعت  
ذاكرتها بنسبة 90%.

و بمرور الأيام عادت حور إلى عملها بعد غياب، كما بدأت فى  
استكمال رسالة الدكتوراة الخاصة بها، وعادت طفلتها للعيش بين  
أحضانها. كان باسل يحاول اظهار أنه قد تغير تماما مع حور  
وأصبح يعاملها معاملة حسنة، ولكن هل كانت تلك المعاملة  
الحسنة لوجه الله أم كان يخفى خلفها سرا؟ فى ذلك اليوم أخبر  
باسل حور أنه سيسافر لمدة اسبوع لمعاينة بعض المواقع التى

ستبنى عليها الشركة بعض العقارات الجديدة. وكان ذلك من الغريب على باسل... أن يخبرها بسفره ويعلل لها السفر أيضا، كما أنه سمح لها بإحضار والدتها أو صديقتها للمكوث معها. حقيقة الأمر أن باسل لم يكن يريد ازعاج خلال تلك الفترة ربما للعمل وربما لأسباب أخرى خفية أسرها في نفسه. بعد مرور يومين من ذلك الاسبوع و أثناء تصفح حور لصفحة الفيس بوك الخاصة بها قرأت عنوان خبر أفجعها. كان ذلك العنوان يقول:

" القبض على مدير شركة (.....) في قضية قتل فتاة ليل "

ما جعل حور تصعق من ذلك الخبر ; لأن تلك الشركة هى الشركة التى يعمل بها باسل، و أن منصبه بها على حد علمها هو مديرا للشركة، فلا يوجد حل سوى أن يكون هو ذلك القاتل، أو أن يكون قد كذب عليها بشأن عمله.

تمنت حور ألا يكون هو، فرغم كل ما يفعله بها يظل زوجها و أب لابنتها. ترددت حور كثيرا في فتح الخبر لتقرأ المزيد.... بعد برهة قررت فتحه و بدأت في القراءة، وما إن بدأت حتى انسابت الدموع من أعينها، فكان الخبر يقول:

مدير يقتل سكرتيرته أو دعنا نقول عشيقته، فقد ضبط المدعو باسل مجدى متلبسا في إحدى بيوت الدعارة بمنطقة العبور، ومعه جثة المدعوة نور، وكل الدلائل تفيد بانه هو القاتل. كما تواجدت العديد من فتيات الشوارع، وبعد التحقيق معهن



اعترفن بأنهن كن يعملن عند السيدة المقتولة مقابل السكن و المأكل والملبس و بعض المال، وكان ذلك المدعو باسل يتردد على المنزل كثيرا دونا عن باقى الزبائن. كما أنه كان مقربا جدا من السيدة المقتولة. وقالت إحدى الفتيات المدعوة بدينا أنها كانت من اقرب الفتيات العاملات إلى السيدة المقتولة نور، وقد طلبت نور من دينا الإيقاع بباسل وتصويره بعض الصور المخلة بالآداب لتجعله خاتما باصبعها. كما طلبت منها أن تسجل له بعض أحاديثه معهم لكي لا يستطيع التبليغ عنهن. وفي مساء يوم الثلاثاء الموافق العاشر من يوليو كان باسل في ذلك المنزل عندما سمع حديث نور مع دينا عن تلك الصور والمقاطع المرئية و الصوتية، فقرر مواجهة نور واخبارها بأنه يمكنه التبليغ عنها إذا لم تعطه تلك الصور و المقاطع و عدم احضار فتيات أخرى ؛ فقالت له أن ذلك من المستحيل وأنه سيظل تحت أمرها وإلا ستفضحه. لم يتحمل المدعو باسل تلك الإهانة فتناول إحدى السكاكين و خبأها في الغرفة الخاصة بنور، و حاول استدراجها حتى غابت معه بعيدا عن انظار الفتيات...تحديدا في تلك الغرفة حيث لقت حتفها.

كانت حور ما تزال غير مصدقة فكانت الصدمة شديدة جدا عليها، رأتها أيسل تبكي فذهبت إلى سيسيل في الغرفة قائلة بصوت طفولي برىء:

- طنط... مامي تعيط.

- طب أنا رايحة أشوف مالها...خليكي أنت هنا شوفي ال تي في.
- حاضر.
- ذهبت سيسيل إلى حور وبداخلها قلق شديد فجلست بجانبها وقالت:
- القمر ماله؟
- قمر إيه احنا العصر يا سيسيل!
- طيب فهميني في إيه؟!
- لم تنطق حور ولكن أعطتها هاتفها والذي كان مفتوحا مباشرة على الخبر. ظلت سيسيل تقرأ و علامات الذهول و الصدمة تعلوان وجهها ثم قالت في عدم تصديق:
- يعنى باسل قاتل؟
- فردت حور بضحك من شدة الصدمة:
- قاتل بس! ده قاتل و خاين و زانى والله اعلم كان بيعمل إيه كمان!
- وأنت هتعملى إيه دلوقتى؟
- ولا حاجة...هقول لبابا و ماما و اكيد هتطلق.
- و أنت فاكرهم هيوافقوا بالسهولة دى؟
- و أنت عايزاهم بعد ده كله ميوافقوش يا سيسيل!؟

- مش عارفة يا حور... بس ماعتقدش هيوافقو بالسهولة اللى أنت متوقعاها دى.

- يللا خير أما نشوف.

اتصلت حور بوالدها و طلبت منه أن يحضر والدتها و يأتيان فى الليل ليتناولوا العشاء معا.. وبعد تناول العشاء. أعطت حور والدها هاتفها مفتوحا على الخبر مما جعله يصدم كثيرا و يقول بان دفاع:

- والده و والدته عايشين طول حياتهم متغربين عشان يوصلوه لى هو فيه و لحد دلوقتى عايشين برة عشان يكملو تجهيز اخواته زيه و هو بيعمل كده.

قالت إيناس متسائلة:

- هو فى إيه؟

قال أحمد بغضب:

- خدى اقرى وأنت تعرفى فى إيه.

- معقوووولة... إزاي؟ أكيد فى حاجة غلط.

تدخلت حور قائلة:

- خلاص يا ماما بما إنك برضه شايفة إنه فى حاجة غلط أنا ريحاله بكره الشركة... إن لقيته هناك شىء جميل و إن ملقتهوش لا هو ولا نور يبقى الخبر ده صح 100%... عن إذنكم أنا هروح أقعد مع أيسل شوية.

كانت حور متضايقه من مدافعة والدتها عن باسل حتى بعدما رأت الخبر بعينها... تظن أنهم هم المخطئون وليس هو.

في اليوم التالي ذهبت حور إلى مقر الشركة، و صعدت إلى الدور الذي به غرفة مكتب المدير فوجدت السكرتيرة فتاة غير تلك المدعوة بنور فسألتهما ما إذا كان م. باسل موجود... فقالت لها السكرتيرة بعفوية شديدة:

- م. باسل مبقاس مدير الشركة.

- ليه كده خير؟

- لا... أصله مسجون على ذمة قضيتين.

- قضيتين إزاي ده؟

- ايوة يا فندم ده كل الناس بتتكلم و الشركة خسرت كتير أوى بسبب الموضوع ده... أول قضية قتل فتاة ليل... و الثانية طبعا قضية آداب لأنه تم القبض عليه في بيت دعارة.

- أمممممم قلتيلي.. صحيح أنت اسمك إيه؟

- أنا اسمي فريال يا فندم... بس حضرتك مين؟

- أنا زوجة م. باسل.

- أنا اسفه يا فندم والله م...

قاطعتها حور:

- لا متأسفيش أنا عرفت الخبر بس حبيت أجي أتأكد بنفسى.. عن إذنك مضطرة أمشى.

- اتفضللى.

عادت حور إلى المنزل و الغضب يتطاير من عينيها و الحزن يقبع بداخل قلبها و لكن تكتمه لتتحرر... نعم ستتحرر من تلك القيود المجتمعية التى تقيد المرأة و تجعلها أسيرة لرجل حتى وإن كان ظالماً.. حتى وإن كان خائناً.. حتى وإن كان كاذباً ... فان الرجل سيظل رجلاً مهما دنت اخلاقه... و المرأة ستظل امرأة مهما علت مراتبها... هكذا يكون فكرنا الشرقى ولكن أنا من ستكسره، ومع ذلك ستلتزم بالقيود الإسلامية... من قال ان الإسلام نص على ما تقوله عادتنا و تقاليدنا؟

عندما وصلت حور إلى بيتها قالت لها أمها بلهفة:

- ها أتأكدتى الحمد لله إنه مش هو؟

قالت حور بلا مبالاه:

- لا أتأكدت إنه هو.

و أكملت بثقة قائلة:

- وعلى فكرة أنا قررت أتطلق.

- تالانى يا حور تطلقى يا بنتى أنت عايزة تخربى بيتك بايدك..

طب وبنتك دى؟

- نعم يا ماما مالها بنتى.... عيلة صغيرة أنا مش هعرف

أربيهها...و للا هو جوزى كان صورة مشرفة عشان ابقى ظالمة لو

إتطلقت!!

- يا بنتى ما قلتك قبل كده ضل راجل ولا ضل حيطه.. على الأقل  
يبقى سندك أنت وبنتك فى الدنيا.

قالت حور بسخرية:

- متقلقيش لو عوزت اتسند يا ماما هبقى هتسند على أى حيطه.

- يا حور يعنى جوزك زيه زى الحيطه؟!؟

- لا بصراحه.. مختلفين جدا، على الاقل الحيطه هتسند عليها لو

هقع... مش هى اللى هتوقعنى...أما جوزى ده فهو اللى

بيوقعنى... تقوليلى اتسندى عليه.

- خلاص يا حور متتسنديش عليه ومتفتحيش موضوع الطلاق ده

لحد ما باباكي يرجع و يشوفله حل معاكى.

- طيب يا ماما هى فين سيسيل و أيسل؟

- نايمين يا بنتى...الساعة لسة 10 الصبح وكمان أنهاردة الخميس

سيسيل مش بتروح الكلية... أنت اللى صحيتى من الفجر عشان

تروحي الشركة و تتاكدي بنفسك.

- ايوة و الحمدلله اتأكدت... أنا داخلة ارتاح شوية... عن إذنك.

- اتفضلى.

ذهبت حور إلى الغرفة لتنام قليلا فهي لم تنم ليلة أمس من

التفكير.

نذهب إلى حيث كان باسل منذ يومين تحديدا قبل الحادثة بمدة

قليلة.

و دار ذلك الحوار بين باسل و ديننا:

- اليوم أنهاردة هيكون جميل جدا... في بنت جديدة جاية.

- معقولة.. طب لقتوها فين؟

- كان بتدورعلى أكل في الزبالة و الست نور قالتلها أنها ممكن  
تقعدها عندها وتجبها أكل وكده.

- أكل... أممممم.

جاء صوت مناديا:

- ديننا تعالى.

- حاضر يا ست نور... عن اذنك يا باسل بيه.

و انصرفت ديننا إلى داخل إحدى الغرف حيث كانت نور، وأغلقت  
الباب مما أثار فضول باسل لمعرفة ماذا تريد نور من ديننا، ولماذا  
تطلبها كثيرا دوننا عن باقي الفتيات، فاستغل انشغال الفتيات و  
تسلل لإستراق السمع ولكن كانت المفاجأة.....

سمع باسل الحوار التالي الذي جاء على عكس توقعه:

- والله أنا ما عارفه يا ست نور أنت بتعملى كده ليه؟ يعنى  
تفتكرى باسل بيه عمره هيفكر يبلغ عنك.

- يا ديننا أنا عاملة حساب للزمن... أنا واحدة جوزى مسافر  
وأهلى مييتين من زمان... و أكيد مش عايضة إنه نهايتى تبقى  
السجن.

- بس يا ست نور باسل بيه بيحبك.





- فيديوهات إيه يا نور؟

- هتشوف يا حبيبي.

شاهد باسل المقاطع المرئية و أيضا بعض الصور و استمع للمقاطع الصوتيه و هو مصدوم... لم يتوقع باسل من نور أن تفعل به ذلك.

فقال لها بهدوء:

- يا حبيبتي أنا كنت بهزر معاكى ... أنا أقدر أبلغ عنك برضه... ده كان من تأثير اللى بتشربيهلونا ده.

فقالت بضحكة أنتصار:

- آه منا عارفه إنك كنت بتهزر.

جلس باسل يمزح معهم بهدوء و انسحب إلى المطبخ متحججا بأنه يريد بعض الماء، و أخذ إحدى السكاكين و خبأها بغرفة نور، و من ثم ذهب باتجاه نور و قال لها فى أذنها انه يريدھا قليلا فى الغرفة فاستجابت له و لم تكن تعلم ما الذى ينتظرھا.

بعدها دخلوا الغرفة أغلق باسل الباب بالمفتاح لكى لا يزعجهم أحد كما اعتقدت نور ولكن بعدما استلقت على السرير تناول باسل السكين بخفة من تحت السرير و غرسه فى قلبها مباشرة لتفارق الحياة و لا يبقى منها سوى صوت صرخاتها عندما رأت السكين.

ظل باسل مصدوما من فعلته وبعد قليل حاولت إحدى الفتيات فتح الغرفة ولكن لم تستطع... وبعد مرور ساعات اتصلت دينا بالشرطة بعدما فقدوا الأمل في معرفة ماذا حدث في الداخل، و عندما جاءت الشرطة تم القبض عليهم جميعا و التحقيق معهم طيلة اليوم التالى حيث تناولت الكثير من الجرائد الورقية و الالكترونية الخبر و نشرته حيث وصل إلى حور.

نعود إلى حور التى استيقظت من النوم على رنين هاتفها معلنا اتصال قادم من والد أحمد... كانت حور مندهشة لأن حماها لم يتصل بها منذ زمن... حتى أنه لم يعلم بمرضها.. ما لبثت أن تذكرت فعلة ابنه الشنيعة فردت عليه:

- السلام عليكم يا عمو.

- وعليكم السلام يا بنتى عاملة إيه و أيسل عاملة إيه؟

- الحمدلله يا عمو كلنا بخير حضرتك و طنط عاملين إيه؟

- الحمدلله بخير يا حور...

ثم قال بتردد:

- هو أنت عرفتى اللى حصل يا حور؟

- اه عرفت.

- طب القضية دى حقيقية ولا حد من اعداؤه ملفقها؟

قالت حور بهدوء:

- لا يا عمو القضية حقيقية.

- معقولة يا حور... طب وأنت كنتى فىن؟
- كنت فى بيتى يا عمو... هكون فىن يعنى؟ بس المفروض هو كان قايلى انه مسافر فى شغل.
- ممم ماشى يا بنتى... عموما أنا حجت و نازل مصر أنا و والدته بكرة باذن الله.
- تيجو بالسلامة بإذن الله... طب هتيجو الساعة كام عشان أقابلكوا
- متقلقيش خالد هيجى يقابلنا... خليكى مع بنتك و أول ما نوصل هنجيلكوا إن شاء الله.
- تنورونا سلملى على طنط كثير.
- حاضر يا بنتى فى أمان الله... مع السلامة.
- مع السلامة.
- حضرت حور الغداء و تحدثت مع سيسيل قليلا و ذاكرت لابنتها، فهى عاهدت نفسها بأن تنمى قدرات ابنتها تحت اى ظرف.
- و فى وقت الغداء كان قد حضر والدها و بعدما انتهو من تناول الغداء مباشرة، فتحت والدتها موضوع باسل و أبدت إعراضها على قرار حور.
- فقال حور بصوت منخفض لسيسيل:
- سيسيل معلىش دخللى أيسل جوة و حاولى تيجى... لو إتضايقت خلليكى معاها.

- حاضر.

انصرفت سيسيل بصحبة أيسل، فقالت إيناس بضيق:

- يا أحمد شوف بنتك بتقللى أنا قررت اتطلق.

- وإيه المشكلة يا إيناس؟! دى حياتها بنتك بقالها اكر من سنتين عايضة تطلق وأنت بتضغطى عليها.

- و هى متجوزة بقالها أد إيه اساسا!

تدخلت حور قائلة:

بقالى أربع سنين يا ماما متجوزة... بس من ساعة ما جبت أيسل او بالأصح من ساعة ما كنت حامل فيها و باسل متغير معايا جدا و مبيقعدش فى البيت وأدينا عرفنا كان بيروح فىن.

- بس الناس هتقول علينا إيه؟!

- تالانى يا ماما الناس أنا مالى بالناس.

قالت إيناس بغضب شديد:

- أنت مش عايشة فى الدنيا لوحدك يا حور.

- ماما أنا اللى يهمنى إنى أرضى ربنا، و زى ما الزواج شرع للمودة و الرحمة... ربنا شرع الطلاق لرفع المفاسد إذا حصلت.

- أيوة يا إيناس حور عندها حق.

- يعنى أنت موافقها على كلامها ده يا أحمد.

- أيوة يا إيناس موافقها.

- بس أنا بقى مش موافقة.

- فقالت حور بحدة:

ربنا قال فى سورة النور.. بسم الله الرحمن الرحيم " الزانى لا ينكح إلا زانية او مشركة" صدق الله العظيم.

ثم اكملت:

- وإن كنتى شايفانى زانية او مشركة يا ماما ارفضى انى اتطلق...  
عن إذنكو.

و دخلت حور إلى غرفتها و هى غاضبة لتجد هاتفها قد تلقى  
إتصال من رقم لا تعرفه.

قالت حور إلى نفسها:

- مين اللى هيتصل بيا فى الوقت ده بالذات... فكرت للحظات ثم  
قالت مش ممكن يكون....

قاطعها صوت الهاتف فردت فى سرعة:

- ألو سلام عليكم.

- وعليكم السلام يا فندم حضرتك دكتورة حور زوجة البشمهندس  
باسل مجدى؟

- أيوة يا فندم.

- لو سمحتى رئيس المباحث طالب شهادة حضرتك فى قضية  
زوجك.

- بس أنا مكنتش موجودة.

- معرفش لكن حضرتك لازم تكونى موجودة يوم السبت الساعة  
10 الصبح فى قسم....

- حاضر.

انتهت المكالمة و كانت حور لا تعلم على ماذا ستشهد وهى لم  
تكن تدري حتى بأنه كان يذهب إلى تلك الأماكن المشبوهة.

فى اليوم التالى وصل والد باسل " مجدى " و والدته إلى الأراضى  
المصرية بسلام وقابلهم ابنهم خالد، و ذهبوا مباشرة إلى بيت  
حور، حيث استقبلتهم حور و اهلها استقبالا جيدا و غطى  
الاعتذار و طلب السماح على الحوار فوالد باسل و والدته كانا  
يشعران بالذنب تجاه حور و أيسل، حاولت حور فتح موضوع  
الطلاق... ولكن أغلقتة أمها فى سرعة، كما قال مجدى لحور بأنه  
سيذهب معها يوم السبت، و انتهت مقابلتهم وعاد أهل باسل  
إلى منزلهم و الحزن يغمر قلوبهم.

جاء يوم السبت فذهبت حور بصحبة والد باسل ليجروا معها  
التحقيق، وما كان التحقيق سوى أسئلة عن مواعيد خروج باسل  
من المنزل ورجوعه و إلى أين كان يذهب على حد علمها.

مرت الأيام سريعا بين التحقيقات و المحاكم و الطعن على  
الأحكام و بعد مضى قرابة العام تم الحكم على باسل بالإعدام، ثم  
تم تخفيفه إلى سجن مؤبد، و بعد واسطات كثيرة عن طريق  
والده تم تخفيف الحكم مرة أخرى إلى خمسة عشر عاما فقط.

والده هو الوحيد الذى كان يسانده، أما والدته و إخوته جميعا  
فلقد قرروا التبرؤ منه... فهو لا يمثل لهم سوى العار.  
أما عن حور فكانت قد اتخذت قرارها و ساندها والدها فى طرحه  
على أهل باسل ضارين برأى إيناس عرض الحائط، فهى ما تزال  
متأثرة بوجوب الإلتزام بالعادات و التقاليد، وجاء اليوم المحدد  
لزيارة باسل و اتمأم الطلاق، و بالفعل تحررت حور من أسر ذلك  
الباسل بعد خمسة أعوام من الزواج الفاشل. قررت حور  
مناقشة الدكتورة، فكانت على وشك الإنتهاء منها و بالفعل  
ناقشت حور، و طلبت نقلها إلى كلية العلوم بجامعة الأسكندرية  
لتترك القاهرة بكل ما حدث فيها... لتبدأ رحلة جديدة فى حياتها  
بصحبة والدها و والدتها و بالطبع ابنتها.

## الفصل الثانى

﴿ حقا من حقا ﴾

( حياة جديدة )



بعد انتقالها إلى الأسكندرية وقفت حور في شرفت منزلها المطل على البحر لتتعامد الشمس على أعينها فبرز جمالها. تغمض حور أعينها و تفتحها مجددا محاولة افاقة نفسها من رحلتها في ذكرياتها للخمس سنوات الماضية، لتضع كل تلك الذكريات في صندوق و تغلقه و تلقى مفتاحه في البحر فلا تستطيع العثور عليه أبدا، لتبدأ رحلتها الجديدة في مواجهة المجتمع بقوة، فهاهى الآن قد أخذت لقب مطلقة... فهل ستجلس في البيت لتندب حظها؟ أم ستكمل مسيرتها و تثبت للعالم أنها تستطيع؟

خرجت حور من الشرفة تنادى على ابنتها:

- أيسل.

حضرت أيسل قائلة:

- نعم يا مامى.

- بتعملى إيه يا حبيبتى؟

- بلعب على التاب.

- طيب ممكن نسيب التاب شوية ونذاكر؟

- بس احنا فى الصيف يا مامى.

- مش احنا اتفقنا هنلعب حبة و نذاكر حبة وكمان نحفظ قرآن

حبة؟

- أيوة اتفقنا.

- طيب مش أنت خلاص كبرتى و بقى عندك 4 سنين؟

- أيوة يا مامى.

- يعنى لازم تبقى شاطرة...صح؟

- صح.

- طب روحى هاتى الكتاب اللى جبتھولك يالا واستننى فى المكتب.

- حاضر يا مامى.

انصرفت حور وجاءت إيناس قائلة:

- يا حور براحة على البنت شوية...سيبيها تلعب، هى فاهمه حاجة عشان تذاكر؟!

- ماهى بتلعب يا ماما... وبعدين حور فاهمه كل حاجة هي مش صغيرة يعنى.

أقبل أحمد قائلاً:

- سيبيها تتصرف مع بنتها براحتها يا إيناس.

ثم أكمل:

- على فكرة أنا بعثت أجازة من الجامعة فى القاهرة، و طلبت نقلى للأسكندرية و الحمد لله وافقوا بدل ما افضل قاعد فى البيت كده.

قالت إيناس بضحك:

- أنا بقى ريحت نفسى و خدت إجازة.

قالت حور بجدية:

- أنا قررت قرار.

قالت إيناس بضيق:

- قرار إيه تانى؟

قال أحمد بهدوء:

- استنى أنت يا إيناس قولى يا حور خير.

- أنا هعمل جمعية للدفاع عن حقوق المرأة.

قال أحمد:

- بس يا بنتى فى جمعيات كتير للدفاع عن حقوق المرأة.

- لا يا بابا... أنا مش هاعمل مجرد جمعية للكلام و الندوات و خلاص.

قالت إيناس بعصبية مكتومة:

- وشغلك... ولا ناوية تسيبي الجامعة و تدافعى عن المتطلقين و المتخانقين و....

قاطعتها حور قائلة:

- لا يا ماما مش هسيب شغلى و المتطلقين اللى مش عاجبينك دول أنا منهم... و المتخانقين كنت منهم، و يمكن أنا عندى وظيفة أقدر أصرف على نفسى وعلى بنتى ومبقاش عبء على حد.

قاطعتها أحمد:

- متقوليش كده يا بنتى.

قالت حور بهدوء:

- معلىش يا بابا... سيني اكمل.

وتابعت:

- بصى يا ماما غيرى معندهاش وظيفة وبتتهان أكثر من ما أنا  
كنت بتتهان ألف مرة... و مثلاً أهلها مهددنها لو اتطلقت يتبرو  
منها فمضطرة تستحمل... أنا بقى هاحاول أجبلها شغل.

قالت إيناس بعصبية:

- آه بتساعدنيها تطلق يعنى.... خربتى بيتك و عايزة تخربى بيوت  
الناس.

قالت حور بحزن:

- عن إذنك يا ماما... أنا رايحة أذاكر مع أيسل.

و تركتهم و غادرت.

قال أحمد بلوم:

- ينفع الكلام اللى أنت بتقوليه ده يا إيناس؟

- آه ينفع.

- طيب براحتك بقى عن اذنك أنا كمان.

و ذهب أحمد إلى المكتب حيث اتجهت حور و طرق الباب قائلاً:

- ممكن ادخل؟

جاءه صوت حور:

- اتفضل يا بابا.

ما ان دخل حتى قال:

- متزعليش من مامتك يا بنتى... أنت عارفة أنها متضايقة بس.

- عادى يا بابا...مش متضايقة بس أنا هعمل الجمعية دى و هبدأ فى ورقها من بكرة.

- ربنا يوفقك يا بنتى.

و تركها وغادر الغرفة.

جلست حور تذاكر مع ابنتها قرابة الساعة... ثم قالت بمرح:

- يللا ناخد بريك و نلعب مع بعض.

قالت أيسل بفرح:

- بجد هتلعبى معايا يا مامى.

- أيوة يا حبيبة مامى...هلعب معاكى...تحبى نلعب إيه؟

- مممممممم نجرى ورا بعض.

- ماشى يا ستى يللا.

ظلت حور تلعب مع ابنتها الصغيرة و تحاول إدخال السرور على قلبها، فهى السبب فى حرمانها من الأب بسبب اختيارها الخاطيء، ولكن ذلك كان قدر الله... لا يمكنها الاعتراض عليه.

بعد قليل قالت حور وهى تلتقط انفاسها:

- كفاية كده يا أيسل... أنا تعبت.
- ماشى يا مامى، بس على فكرة أنا اقوى منك.
- ماشى يا ستى أنت اقوى منى... قوليلى بقى عايزة أجيبلك إيه وأنا راجعة من الشغل بكرة؟
- أى حاجة هتجيبهالى؟
- قالت حور بسرعة:
- طبعا يا أيسل اى حاجة أنت عايزاها هجيبها لك حاضر.
- طب أنا عايزة حاجتين مش حاجة وحدة.
- حاضر قولى عايزة إيه؟
- أنا عايزة طنط سيسيل.
- ممممم...هاحاول اخليها تيجى قريب و تشوفها اتفقنا؟... و إيه الحاجة الثانية؟
- ماشى اتفقنا.
- ثم تابعت بحزن:
- الحاجة الثانية تجيبيلى باى.
- قالت حور باستغراب:
- أنت فاكرة باى يا أيسل.
- أيوة... هو بيزعق كثير وبنشوفه حبه صغننين كل يوم بس دلوقتى مبقاش بيجى خالص... ممكن تكلميه؟

- حاضر يا أيسل أوعدك قبل ما الإجازة تخلص هوديكي لبابي.

- ميرسى يا مامى.

- يلا بقى عشان ناكل ونحفظ قرآن حبة وننام.

- ماشى يا مامى.

و فى اليوم التالى ذهبت حور إلى الكلية و أنهت عملها، و بدأت فى عمل إجراءات ترخيص الجمعية و تأجير مكان ليكون مقرا للجمعية.

استغرقت التجهيزات مدة ليست بالقليلة، وأخيرا... حان وقت افتتاح الجمعية وسط اعتراض والدتها. حضرت سيسيل الافتتاح و الذى كان فى بداية شهر سبتمبر، لتكون حور قد حققت بذلك أولى طلبات أيسل.

بدأت الدراسة و أدخلت حور أيسل إحدى المدارس الدولية بالأسكندرية. لم تغفل حور عن عملها... فهى قد بدأت فى عمل أولى أبحاثها بعد مناقشة الدكتوراه... و مع ذلك قررت البدء الفعلى لعمل الجمعية بعمل استطلاع رأى بواسطة الأنترنت. كان ذلك الاستطلاع عن الطلاق و اشتمل على عدة اسئلة:

1- ماهو جنسك؟ (ذكر \ انثى)

2- هل أنت مع فكرة الطلاق؟ (مع \ ضد)

3- هل من حق الزوج استخدام العنف مع زوجته؟ (نعم \ لا)

4- هل من حق المطلقة الزواج مرة أخرى حتى وإن كان معها أطفال؟ (نعم \ لا)

5- هل تعرف قصة طلاق حقيقية؟ (نعم \ لا)

6- إذا كانت إجابتك بنعم فاذكر القصة.

7- هل تعرف مشاكل زوجية لا بد أن تؤدي للطلاق ولكن لم تطلب الزوجة الطلاق حفاظا على الأبناء؟ أو بسبب عدم توفر مصدر للدخل عندها؟ (نعم \ لا)

8- إذا كانت إجابتك بنعم...فما هي تلك المشاكل وما سبب عدم طلب الزوجة للطلاق؟

9- إذا تم تقديم مبادرة لمساعدة المطلقات والدفاع عن حقوقهم ماذا سيكون رأيك؟ (مع \ ضد)

10- اذكر السبب اذا كنت مع أو ضد.

11- في رأيك... ماهى المشكلات الرئيسية المسببة للطلاق؟

12- ماهى إقتراحاتك لحل مشكلة الطلاق؟

وتركت حور ذلك الاستطلاع لمدة شهر فقط على الانترنت. وكانت تحاول إيصاله إلى الكثير من الناس... و لكن من اهتم و اجرى ذلك الاستطلاع كانوا 60 شخصا.

بدأت حور في كتابة خطاب يحتوى على ما توصلت إليه بعد إنتهاء مدة الإستطلاع و أطلعها على نتائجه، تناولت حور بعض الأوراق و بدأت بالكتابة:



" السلام عليكم و رحمة الله وبركاته... منذ شهر قمت بعمل إستطلاع رأى عن طريق الإنترنت... وحاولت إيصاله إلى العديد من الناس، ولكن للأسف لم يهتم ويجريه سوى 60 شخص فقط بينهم 42 امرأة و 18 رجلا. كما رفض فكرة الطلاق 25 شخصا مهما كانت الظروف... بينهم 10 رجال و 15 امرأة، كما قال 3 فقط منهم أنه من حق الرجل إستخدام العنف مع زوجته... و هؤلاء الثلاث كانوا رجلا وأمرأتين. والمذهل أن جميع الذين أجروا استطلاع الرأى يمتلكون قصصا عن الطلاق و أيضا قصصا عن المشاكل الزوجية التى لا حل لها سوى الطلاق، ولكن الزوجة تخاف من كلام الناس أو على أبنائها أو لا تمتلك مصدرا للدخل، مما يثبت أنه رغم أن نسبة الطلاق فى مجتمعنا العالية جدا... هناك نسبة أكبر من النساء لاتزال أسيرة فى بيت زوجها، ولكن ليس عندها الرفاهية الكافية لتطلب الطلاق، فالطلاق و الحرية بالنسبة لها رفاهية من رفاهيات الحياة التى لا تستطيع إمتلاكها، و لذلك تعيش أسيرة و قد تموت فى أسرها... أسيرة للظلم و الإهانة و الخيانة و الخداع. هذا و قد رفض نصف الذين أجروا الاستطلاع زواج المطلقة مرة أخرى إذا كان لديها أبناء، فى حين رفض 10 فقط منهم زواجا ثانية حتى وإن كانت بلا أولاد. و هؤلاء العشر هم 6 رجال و 4 نساء. أما فيما يختص بوجود مبادرة لمساعدة المطلقات... فلقد وافق على ذلك جميع المشاركين ماعادا امرأة واحدة... رفضتها متعللة بأن ذلك سيشجع

الجميع على الطلاق، بينما لخص المشاركون أسباب الطلاق في الأسباب التالية:

1- عدم توافر الإحترام المتبادل.

2- عدم التفاهم بين الزوجين.

3- تدخل الأهل.

4- تمسك كل شخص برأيه دون إبداء أى تنازلات.

5- الخيانة والكذب.

6- الإهمال.

كما قال بعض الأشخاص أن ضيق المعيشة و قلة الدخل قد يمثلان سببا آخر للطلاق، و لكنى لا أنفق مع هذا الرأى، و أحب أن أضيف اعتراضى الشخصى على جملة " هيتغير بعد الجواز"... لأنه من شب على شىء شاب عليه... إلا من رحم ربى فهناك صفات لم ولن تتغير، و فى رأىي ايضا أنه من أهم أسباب الطلاق الاختيار الخاطىء.

وأخيرا، كنت قد طرحت سؤالا فى الإستطلاع عن طريقة لحل مشكلة الطلاق والقضاء عليها فجاءت الإقتراحات كالآتى على حد قول المشاركين:

1- عمل محاضرات لتوعية الشباب و الفتيات عن كيفية إختيار شريك حياتهم بشكل صحيح.

2- تربية أولادنا وبناتنا تربية صحيحة.

3- المودة و الرحمة و التفاهم.

4- مراقبة الله و إتباع سنة رسوله.

و في رأيي أفضل حل هو مراقبة الله تعالى في جميع أفعالنا و إتباع سنة رسوله، وبكده هنوصل للسعادة بإذن الله.

بعدها أجريت ذلك الإستطلاع أود الإعلان من خلال هذه الندوة عن قيام جمعيتنا بعمل جلسة أسبوعية للسيدات اللاتي يردن الطلاق ولكن عندها أسباب تمنعها. ربما نتوصل معها إلى حل دون اللجوء إلى الطلاق، ولكن إذا كانت مشاكلها معقدة وليس لها حلول، فسيتم تقديم المساعدة لها...من خلال توفير مصدر للدخل وما إلى ذلك. كما سيكون هناك عدة محاضرات لتوعية الشباب و الفتيات عن كيفية إختيار شريك الحياة الصحيح، كما ستعقد محاضرات وورش عمل أيضا للأزواج عن الزواج و معاملة الرسول لزوجاته و الصحابه لزوجاتهم ، وكذلك محاضرات للزوجات عن كيفية تعاملهن مع الأزواج بشكل صحيح. جمعيتنا ليست دعوة للطلاق وإلا كنا أطلقنا عليها اسم: " هيا نتطلق "...إنما جمعيتنا هي للحفاظ على حق كل إمراة في المجتمع، و بدايتنا مع مشكلة الطلاق. رسالتى إلى كل إمراة هى... " حقتك من حقتك ".

والسلام عليكم و رحمة الله وبركاته".

بعدها أنهت حور كتابة خطابها... حددت موعد لعمل هذه الندوة بالجمعية...التي قامت بتغطيتها الكثير من وسائل الإعلام

أثار كلام حور إعجاب الكثيرين، و بالفعل حددت حور كل يوم سبت من الساعة 2 إلى الساعة 4 للاستماع إلى مشكلات السيدات. و جاءها بالفعل الكثير من السيدات. فأول سبت بعد اطلاقها لمبادرتها هذه عن حق المرأة جاءتها سيدة تدعى مريم و كان الحوار بينهم كالآتي:

- أهلا يا ا. مريم. نورتينى.

- منور بيكى ... أمممم بصراحة أنا مش عارفه أبدأ إزاي؟ مش عايزة أزعجك.

- أولا مفيش إزعاج و لا حاجة. ما دام بنتكلم مع بعض أهوه يبقى اعتبرينى يا ستى أختك.

- طيب بصى. هو بداية يعنى أنا تخطبت خطوب' صالونات. اتغشيت بالشكل اللى كان بيقول إنه من عيله محترمة. هو كان عصبى جدا و كل الناس قالتلى هيتغير بعد الجواز.

فقال حور بتفهم:

- وطبعاً متغيرش.

فقال مريم بحزن:

-أبوة فعلا متغيرش. ده كمان بقيت اكتشف عنه حاجات أول مرة اعرفها. فى أول شهر جواز اكتشفت أنه بيشرب حشيش و بانجو. و أما جيت اقول لوالدته لقيتها بتقللى إنهم عارفين عنه كل حاجة و عادى جدا عندهم. و راحت والدته قالتله إني قتلها إنه بيشرب حشيش و بانجو... راح طلع أعد يضرب فيا و يشتم فيا و فى أهلى... مع العلم إني كنت حامل. وبعدها على طول جاله مرض السل و اتحجز فى المستشفى و اعد ست شهور مبيشتغلش، و يعتبر معناش فلوس. و أكلى كله جبن وعدس... و ساعات أقعد باليومين ماباكلش، و أهله مكانوش بيفكرو يطلعولى أكل. وبعدين هو خف ورجع تانى...معاملته أسوأ من الأول... ضرب و إهانته. وبعده ما ولدت و جبت بنت الضرب زاد لأنه كان عايز ولد.

قالت حور بشفقة:

- طب وأنت ليه مفكرتيش تطلقى.

قالت مريم بألم:

- أنا متجوزة وأنا كبيرة...عندى 29 سنة. ففضلت مستحيلة الإهانة و الضرب من أول حملى فى بنتى ولحد ما بقى عندها تلت سنين دلوقتى أهوه. تخيلى إنه مرة ضربنى عشان عملت سمك ومكنش حلوه... لكن طبعا مهما عمل مينفعش اتطلق عشان بنتى و كلام الناس.

قالت حور بعصبية مكتومة:

- كلام الناس إيه اللى همك.. وبعدين أنت لو خايفة على بنتك فعلا يبقى تطلقى. أنت كده هتربيهما على أنها ميبقاش لها رأى و لا كرامة.. لما جوزك يضربك قدامها هتحترمك إزاي؟

قالت مريم بضعف:

- بس أنا لو انطلقت أهلى ممكن يقاطعونى، و كمان معنديش مصدر دخل، ومش هيبقى ليا بيت.

قالت حور بحنو:

- فكرى و شوفى أنت هتعملى إيه... و رقمى معاكى... و متقلقيش. طالما أنت مظلومة أكيد هنساعدك. و متنسيش حقك من حقك.

غادرت الفتاة و قد أدخلت حور عليها القليل من الأمل. و يمر أسبوع و يأتى اسبوع آخر بحكاية جديدة تقصها فتاة أخرى تدعى منال. بعد الترحيب بدأت منال فى قص حكايتها:

- أنا قصتى طويلة شوية.

- ولا يهملك يا حبيبتى اتفضلى.

- والدى كان نفسه يجوزنى أى حد من قرايى جده، و فعلا اتقدم ليا ابن عمتى... والدى وافق، و كان فرحان جده، لكن والدتى لا... لأنه كان سبق ليه الجواز ومراته اتوفت بعد اربعين يوم من جوازهم... و كمان كان خاطب مرة... و فسح. و خطب واحدة تانية... و كتب كتابه عليها و بعدين طلقها. وأنا طبعا كنت أول مرة اتخطب. بس والدى قال إنه ده قريينا ولحمنا و دمنا و

كده... ومش هياذيني عمره... واقنعني أنا و والدتي. وبعد ما اتجوزنا بقى بيتخانق على أى سبب هايف لدرجة إنه ضربنى وأنا حامل، وكنت هاسيب البيت لكن اعد يعيط و يطلب إني اسامحه.

قالت حور بتساؤل:

- وسامحته؟

- آه سامحته... و مقلتش لحد إنه ضربنى. وبعدين معاملته كانت معايا كويسة جدا. وبعد ما ولدت كان فرحان جدا بالبنت لحد ما دخل والدته فى حياتنا. و طبعا والدته خلتها جحيم لدرجة إنه قلب عليا وعلى أهلى... ومنعهم يدخلو بيتى. لأن والدته كانت بتقنعه إن أهلى بيتكلمو عليه بشكل مش كويس... و قعدت فترة من غير ما اشوف أهلى ولا حتى أكلهم... لأنى مش معايا موبايل. هو بس اللى معاه و مش بيرضى يديهولى أكلهم. و لو اعترضت يضربنى ضرب جامد. و فضل ماشى ورا كلام والدته. و بعد حوالى سنه رضى ان أهلى يجو عندى... بس أنا مروحلهمش. وكان يوم ما أهلى يجو والدته تيجى تانى يوم و هو فى الشغل و تضربنى. وكان مفتاح الشقة معاه هو بس و لما يجى يروح الشغل يسيبه مع والدته... يعنى كأنهم حابسنى فى سجن.

وتابعت قائلة:

- جت فترة كان بنتى بقى عندها سنة ونص. هو عمل حادثه و حصلتله كسور كتير و طبعا بقينا مقيمين عند والدته... و تحولت





أمسحى الارض. وبعد كل الذل اللى شفته فى بيت أهله أول ما خف ورجعنا بيتنا بقى بينام فى أوضة و أنا و بنتى فى أوضة، و بيكلم ستات كتير جدا. و فى مرة وأنا صاحبة لقيت صوت طالع من الأوضة اللى هو نايم فيها، فقربت اسمع إيه الصوت ده... لأنى كنت عارفه إنه نايم من بدرى... لقيته بيكلم وحدة وبيقولها هنتجوز قريب.

قالت حور بتساؤل:

- طب وعملتى إيه؟

قالت منال بضيق:

- فتحت الباب وقتله إنى سمعته، فقاللى دى خطيبتى وهنتجوز قريب. و هجيبها تعيش هنا... و هى موافقة تعيش معاكى. ولو مش عاجبك سيبى البيت. وكل ده وهى كانت معاه على الخط. رحت قلت أنا أمشى واسيبلها البيت و استسلم... لا... أنا هادافع عن بيتى. وبقيت اهتم بيه رغم معاملته ليا هو و اهله، وضربه. لحد ما بعد عن الثانية بأعجوبه. وبعد كده جبت منه بنت كمان. وبرضوا مفيش فايده فيه. كان بيعرف عليا بنات كتير ومبيرضاش يدينى فلوس تجيب أكل، وبيتى كان فاضى. كنت كل يوم اروح لعمتى اللى هى والدته انضفلها و اعملها الاكل فتدينى حبت خضار و حجات للأكل اعملها فى بيتى. وكنت راضية و عايضة أعيش. كان بخيل جدا بيدينى فى الأسبوع كله عشرين جنيه لكل حاجة. فضلت كده لمدة ست سنين... صابره عليه و على اخلاقه و

معاملته دى... لحد ما فاض بيا بقى... فرحت وكلمته جامد... راح  
ضربنى جامد أوى لدرجت إنه كسرلى دراعى.  
كأنت حور تستمع لها و هى حزينة على حالها وقالت:  
- كملى.

قالت بقوة:

- رح تقلت لعمى إنى خلاص تعبت، و مش عايزة أكمل مع ابن  
عمتى... أناوالدى اتوفى ومكنش ليا بعد والدى راجل غير عمى  
٥٥.

قالت حور بأمل:

- طب عمك عمل إيه؟

اكملت منال:

- عمى قال لعمتى بنتنا عايزة تطلق... راحت قالتله وأحنا  
موافقين... بس تتنازل عن كل حاجة. و قفلت فى وشه و اتصلت  
عليها قالتلى لو عايزة تطلقى اتنازلى عن كل حقوقك، وهناخذ  
البنت الكبيرة الى عندها 5 سنين، و البنت الصغيرة هناخدها أول  
ما تتفطم. ولو قرررتى متطلقيش و هتعيشي معاه يبقى بشروطه...  
وهى إنك ما تكلميش أهلك، ولا هايبقى معاكى موبايل، ولا  
تتكلمي مع اي حد، و لو عصيتيه هيضربك وأنا هضربك كمان...  
وبعدين قالتلى استخيري ربنا.

قالت حور بسخرية:

- وهى بعد ده كله تعرف ربنا... إيه الناس المريضة دي!

قالت منال بحزن:

- دى جت تانى يوم ليا البيت أما اتصلت و مردتش وكانت جايبة معاها محمى علشان تمضينى على ورق وإبنها فى الشغل، بس ربنا ستر إنى مكنتش موجودة، وكنت خدت عيالى، ورحت عند ناس عمى يعرفهم عشان ميعرفوش طريقى وياخدو منى بناقى، وبعدين رفعت عليه قضية انه ضربنى، و طبعا اثار الضرب كانت باينة على جسمى.

قالت حور بأمل تتمنى ألا يتلاشى:

- وكسبتى القضية؟

قالت منال لتحطم أمل حور:

- لا اتنازلت... كان نفسى اخلص منهم بأى شكل. فقلت أناهفضل كثير كده فى المحاكم... و قلت لعمى أناعايزة اطلق منه وخلص. فقالهم و قالوا يبقى تتنازل عن القضية و عن حقوقها. وبالفعل اتنازلت، و جيت وقت الطلاق ماروحتش و عملت توكيل لعمى... وراح هو... ومعاها محامى. وهو لما جه عند المازون قعد يبوس فى رجل عمى وقاله إنه ندمان، و إنه مش هيلاقى زيي... بس خلاص... أنا كنت قررت قرار ومش هارجع فيه.

قالت حور بحزن:

- طب وأنت عايشة فى دلوقتى؟

- اخدت شقة ايجار بعدها على طول... بس مفيهاش حاجة خالص. حتى هدموى و هدموم بناتى بعتولى منها حاجات بسيطة أوى... و بعدها عمى اللى هى كانت حماقى اتصلت بعمى و قالتله مصائب قوم عند قوم فوائد لأنها باعت هدموى و هدموم بناتى و كسبت منها فلوس طبعاً. بصى...أنا الحمد لله باشتغل، و جهزت شقتى حبة بحبه، و بعلم بناتى... و بقيت عايشة ليهم بس. لكن أنا جاية علشان اطلب منك النصيحة. هل اكره بناتى فيه؟ و لا أتكلم عنه كويس؟ أصل بنتى الكبيرة متعلقة بيه أوى.

قالت حور بجدية:

- لا طبعاً... متكرهيش بناته فيه... وأما يكبروا ابقى فهميهم. لكن دلوقتى متسبببش ليهم عقدة.

قالت منال باقتناع:

- عندك حق... طب أناكرهت الرجالة و هما مش ذنبهم.

قالت حور بحنو:

- بصى يا حبيبتى... أناعارفة انك عانيتى كتير... بس متكرهيش الرجالة... لأن النوع ده أصلاً خسارة يتقال عليه راجل... ربنا يعوضك خير وينتقم منه.

قالت منال بابتسامة:

- تعرفى إنى فرحانة فيه أوى فعلاً... ربنا انتقم منه. راح اتجوز مديرته فى الشغل عشان مترفدهوش... وأديها ذلاه هو واهله.

قالت حور بهرح:

- شوفتى يا ستى عشان تعرفى إن ربنا مبيضيعش حق حد.  
و غادرت منال بعدما تركت قصتها فى العقل التى شغلته حتى جاء  
السبت الذى يليه. و فى الموعد المحدد جاءتها امرأة تدعى سمر.  
بعدها تحدثوا قليلا فى أمور الحياة العامة، قالت سمر بحيرة:

- شوفى... هو أنا يعتبر معنديش مشكلة أوى و كمان ممكن تكون  
مشكلتى هايفة بالنسبالك... بس أنا عارفة إنك هتفهمينى.  
- قولى يا حبيبتى... مفيش حاجة اسمها مشكلتك هايفة. ما دام  
مأثرة فىكى تبقى كبيرة... مهما كأنت بسيطة.. اتفضلى احكى.  
- أنا متجوزة و معايا ولدين، و جوزى على طول فى شغله، و كتير  
كمان بيسافر عشان شغله، وأنا كمان باشتغل، و معايا واحد فى  
الشغل بيهتم بيا جدا ويحببنى، وأنا كمان حبيته، و بيقتنعنى  
اتطلق عشان يتجوزنى... وإلا نبعده عن بعض.

قالت حور بصدمة... فلم تتوقع أن تمر عليها حالة مثل تلك:

- يعنى أنت عايزة تطلبى الطلاق عشان تتجوزيه!!؟

- اه بصراحه.

- طب وولادك؟

- عادى... ماهو قالى وولادك هيبقو كأنهم ولادى.

ثم تابعت:

- بس أنا محتارة ومتردة جدا... مش عارفة اطلق للا أبعد عنه... مع إني حاولت أبعد بس معرفتش.

قالت حور بجديّة:

- و هو أنت بعد ما خنتي جوزك معاه و عايزة تطلقى عشانه هيثق فيكى؟

- قصدك إيه؟

- قصدى... حافظى على بيتك و جوزك و ولادك... جوزك بعيد عنك عشان بيشتغل... مش عشان بيكلم ستات مثلا، ولا بيخرج و سايبك.

- أيوة هو بصراحة مش بيكلم ستات خالص ومابيرخجش. وفعلا بيكون فى الشغل بس... حتى مبيكلمنيش يسالنى روحتى فىن ولا جيتى منين.

- يعنى ده جزائه علشان واثق فيكى و مأمّنك على بيته و عياله تخونيه؟

- بس أنا مكنش قصدى اخونه... أناحييت الثانى ده.

- لا محببتيهوش. أنت محتاجة لاهتمامه مش اكثر... و لو حد اهتم بيكى اكثر منه هتقولى بحبه برضه.

وتابعت حور:

- مش ها قولك غير حافظى على بيتك و جوزك و أولادك... وصارحى جوزك وقوليله انك عايزاه يهتم بيكى كده... لكن اللى

بتعمليه ده مينفعش...أنت مش مراهقة... أنت أم.

قالت سمر و هى شاعرة بالذنب:

- عندك حق...شكرا ليكى جدا.

وانصرفت سمر لتترك بصمة و حكاية جديدة فى عقل حور مما جعلها تقول فى قرارة نفسها:

- معنى كده إنه كمان فى ستات خاينة، و أنا الى كنت فاكرة الرجالة بس هما الى خاينين.

مر أسبوعها مرورا روتينيا، و جاء اليوم الذى تنتظره اسبوعيا حيث تاتيها قصة جديدة... ولكن هذه الفتاة المدعوة نسمة كانت مختلفة. فلقد علمت قبل قدومها أنها خطبت عندما كانت فى مثل عمر حور وقت خطبتها، و تزوجت فى سن يقترب من سن زواجها، فكان عندها فضول شديد لمعرفة قصة تلك الفتاة. حضرت ألفتاة فى موعدها تماما، و بدأت فى سرد قصتها، ولكنها بدأت حديثها بجملة غير مفهومة:

- أنا اتجوزت وأنا لسة متخرجة، و حملت على طول، و جبت بنوته، وبعدها حصل مشاكل، و استحملت و رجعت عشان بنتى... وادينى بعد صبر 8 سنين جواز اتطلقت. بس هو كان متجوزنى طمع ومفهمنى إنه حب... فعلا عرف يدخل الصفقة ويخرج منها كسبان.

فقال حور بدهشة:

- إزاي؟

- اكتشفت إنه كلم بابا و هو مسافر و قاله إنه هياجل الفرخ  
علشان ماديات، و طبعا والدى كان مسافر بقاله ١٥ سنه سويسرا  
منزلش ، و كان هينزل على الفرخ...راح بابا بعتلو ٢٥ ألف... و  
قاله شوف اللى ناقصك... المهم افرح بنتى. و جه بعد جوازى  
بشهرين قالى محتاج فلوس... و أخويا عامل قرض، و هيتحبس  
علشان يجوزنى، و أنا زى الهبله بعث دهبى اللى أهلى جابهولى...  
لأن إحنا عندنا فى النوبه لازم فى الفرخ الأهل ينقطوا بالدهب.  
يعنى بابا كان جايبلي طقم لازوردى معاه، و ماما لبستنى  
غوايش، و خالو انسيال و خاتم، و خالاتى و عماتى خواتم. و  
أنأكنت زى الهبله... صغيره لسه... إديته كل الدهب... حتى  
معرفش باعهم بكام، و قلت إنى بساعد جوزى. وعرفت كمان إنه  
بعد الجواز بكام شهر خد من خالى ١٥ ألف... بحجة إنه  
هايتسجن علشان جايب العفش بقرض. و خالو إداهمله ، و  
كتبله إيصال أمانه،و طلب من خالو مايقوليش علشان شكله  
قدامى. و بابا اللى بعته فلوس ولادتى، وماما كانت تقول ظروف  
الشباب... وتدينى أكلى وحاجتى،و هو كان بيدينى مصروف فى  
الشهر كله 300 جنيه بس تخيلى.

قالت حور بدهشة:

- وأنت مكنتيش تعرفى إنه أخذ الفلوس دى من والدك وخالك؟

قالت نسمة:



- لا مكنتش أعرف خالص وقتها. عرفت قبل ما انطلق على طول... المهم أنا كنت راضية بعيشتي معاه. ده حتى أهلى اللى كانوا بيدفعوا مصاريف مدرسة بنتى و لبسنا. و جه فى مرة قالى إنه فى فرصة إننا نهاجر، و إنه محتاج فلوس... رحت استلفت من ماما الفلوس دى... واد تهمله. و قال إيه عشان يطمنى خدى معاه و هو بيحول الفلوس من البنك، و طلع كان بيحطهم فى حساب، و سحبهم تانى يوم. استحملت إنى أعيش معاه فى شقة غير مستوايا خالص، و كمان فى منطقة وحشة أوى. ولما اقتنع إنه يغير الشقة... و رانى شقة فى مكان تانى احسن شوية، و نقلنا فيها. و جه يوم بيتلكك فيه... كنت بكلم أخويا الكبير فى الموبايل و سألنى بتكلمى مين... قولتله كريم. قالى مين؟ مكنش سامع علشان التى فى شغال، و بنتى معلية الكمبيوتر. رحت عليت صوتى و بقوله كريم... راح مزعق و قالى بتزعقبلى و بتعربى أخوكى انك بتزعقبلى كمان؟ راح أخويا قفل و سكتنا. بعدها أخويا اتصل يطمن عليا... قمت من جانبه و دخلت أتكلم فى المطبخ... راح قالى اقفلى الفون و هاتيه. صممت مديهولهبوش... و اتخانقنا طبعاً، و خد موييلى. بس أنا كنت كلمت والدتى، و كمان كان خد التاب بتاع بنتى...

وصممت قليلا

قالت حور بإهتمام:

- كملى.

- ماما جت خدتنى. وأنا عندها صحبتى عزمتنى على عيد ميلادها، وماما صممت أروح اغير جو، و أما رحى عيد ميلادها كان فى حديقة... لقيته مع واحدة و قاعد بيحب فيها، و أما شافنى اتكسف و سلم علينا ومشى.

قالت حور فى نفسها:

- مش البجح اللى هزقنى قدام الناس كلها أما شوفته مع واحدة. لاحظت نسمة شرودها فصمت.

فقالت لها حور بإبتسامة:

- وبعدين كملى... أنا مركزة معاكى.

- رجعت حكيت لماما و كنت مقهورة... قالتلى أصلى استخارة. وجيت تانى افتح الفيس اتفأجت بصورة ليه مع واحدة... وصورة لدبل و كاتب إنه خطب، فأهلى قالولى إرجعى الشقة لايبيعها و لا يتجوز فيها، فروحنا بقى و غيرنا الكالون كمان... و قولنا لصاحبة البيت... فاتفاجئنا إنهم ماخدوش منه تأمين، وإن الشقة إيجار جديد مش قديم، وإنه هو اللى أخذ الـ 30 ألف اللى كان المفروض يدفعهم ليهم.

قالت حور بحزن:

- طب وعملتى إيه؟ اتطلقتى ولا خايقة عشان بنتك؟

- لا اتطلقت الحمد لله... ورجع يعيط عند المأذون، و أنا صممت على موقفى. و خالو قاله متخفش... مش هاعمل حاجه بوصل

الأمانة... مش عشانك...عشان بنتنا ميتقلش أبوها مسجون أو نصاب.

قالت حور بإرتياح:

- الحمدلله.

- الحمدلله. بس أنا مشكلتى إنه ليه الراجل رغم كل العمائل دى حقه يخطب أى وحدة عايزها حتى لو متجوزتش قبل كده، وأنا فى واحد قريبي كلمنى و عايز يتقدملى... لكن أهله مش موافقين لمجرد إنى مطلقة، و معايا بنت، و هو متجوزش قبل كده... و أهله مش معترضين عليا لشخصى... معترضين عشان العادات و التقاليد مش اكثر. و هو عرض عليا إنه يجى يتقدم من غير أهله و يتقدملى.

فقالت حور فى سرعة:

- أوعى.

- أيوة منا قتلته... أوعى تخسر أهلك عشانى... أهم حاجة فى الدنيا رضاهم.

قالت حور بإبتسامة:

- جدعة... ربنا يكرمك، و عموما خللى قريبك ده يكلمنى... يمكن أعرف اقنع والدته.

قالت نسمة بفرحة:

- ميرسى ليكى بجد أوى.

نظرت لها حور نظرة مطولة ثم قالت:

- أنت عارفة إني دكتورة في كلية علوم صح؟

- أيوة.

- طب مفكرتيش تسألني ليه عملت الجمعية دي؟

- بصراحة اتخرجت أسألك.

- أنا بأقولك علشان لقيت قصتك فيها حاجات كتيرمن قصتي.

على فكرة أنا مطلقة ومعايا بنوتة. أنا فتحت الجمعية دي مش

عشان اقول للناس تطلق... بس علشان كل واحدة لها حق تأخده.

أنا مش بكره الرجالة... لكن بكره أشباه الرجال.

- عندك حق... أنا مبسوفة إني اتكلمت معاك.

- وأنا أكثر... في أمان الله... متنسيش تخليه يكلمني.

- حاضر.

مر الأسبوع بعدما رحلت نسمة و جاءت امرأة أخرى تدعى

أسماء، وقالت لحور بحزن:

- واحد اتقدملي وكان بيحبني... بس أنا عادي. و وافقت كأي

عريس، وأنتقلت معاه لمحافظة أخرى بعيدا عن أهلي... كان

زوجي مهندس وعائلته تجار معروفين جدا.. أما أنا فكانت عائلتي

كلها أطباء، و ذلك جعل بيني و بين أهلي فجوة كبيرة.

فقالت حور بتساؤل:

- إزاي؟

- كانوا شايفين إنه عيلتى أعلى منهم... فبقوا يعاملونى وحش  
علشان يكسرو مناخىرى زى ما بيقولو كده، و وصل الحال إنه أنا  
وأهله بقينا تقريبا مفيش بينا تعامل... حتى هو تعامله بدأ يتغير  
معايا، مع إنه مهندس و خريج جامعة. بس هو للأسف شخصيته  
ضعيفة و اتأثر بكلام أهله. و زى ما بيقولو الزن على الودان أمر  
من السحر، و عشان يفرض رأيه عليا... بقيت كل ما أقول حاجة  
يعمل عكسها. ده غير الضرب و الإهانه، مع إنه كان قبلها عامل  
عملية فى دراعة و أنا اللى بخدمه و بعمل كل حاجة... بس هو  
كان شايف إن خدمتى ليه حق مكتسب. و فى مرة كان مسافر مع  
صحابه و دعيت عليه إنه لو خاننى مش هسامحه.

قالت حور بإهتمام:

- وبعدين.

قالت أسماء بسخرية:

- طبعا عمل اللى هو عايزه ونسى إن ربنا شايفه، و بالفعل جاله  
مرض السيلان، و العلاج مش جايب معاه نتيجة. و فضل يشتم و  
يضرب فىا و يقوللى أنت السبب. و طبعا مصاريف علاجه كترت.  
و خلال فترة العلاج إكتشفنا إنه عنده عيب خلقى يآثر عليه  
كزوج... و كان هو و أهله عارفين كده، و حتى كانوا مستغربين  
إزاي أنا خلفت ، و عشان كده كان بيتعمد يتخانق من أول  
الجواز و يسبب البيت عشان متبانش حقيقة مرضه، و طبعا بعد  
ما اكتشفت دخلنا فى مرحلة جديدة.

قالت حور:

- إيه هي؟؟

- هقولك يا ستى...الشك والغيرة وقلة الأدب... من ضرب مستمر و شتايم. وكل ما أجبى أطلب الطلاق أهلى يقولوا اتحملى، معلش مريض والمرض بتاع ربنا...وكل يوم فى مشاكل.

قالت حور بضيق:

- طب ما تصممى و تطلقى!

- ماهو قايل مش هتطلقى إلا أما تتنازلى عن البنتين..... ومامته كل ما تشوفنى تقولى كل الناس أعدا تخلف وأنت خليكى أعده كده بالبنتين اللى عندك... لولا إنهم جم توأم كنتى هيبقى عندك وحدة بس، وكان العيب منى أنا. وابنها يقعد يكسر نفسى، ويقوللى لبسك وحش وشكلك وحش... عشان يكسر ثقتى بنفسى لحد ما جالى إكتتاب فعلا. لكن فجأة قررت أقف وقفة مع نفسى.

قالت حور بإبتسامة:

- برافو عليكى. - وقفت وقفة مع نفسى، وقررت مزعلش أبدا وأرجع أهتم بنفسى تانى و أضحك فى وش الناس، و أدينى عايشة و اسمى متجوزة.

قالت حور لها فى حزن:

- على فكرة حقك من حقك...اوعى تضيعيه.

قالت اسماء بإبتسامة:

- أوعدك إني هحاول... لو عرفت أخليه يسبلي البنات هجيلك على طول وهطلب منك مكان اشتغل فيه.

فردت عليها حور بإبتسامة واسعة:

- وأنا تحت أمرك في أى وقت.

و في آخر يوم في المدة التي حددتها حور للإستماع إلى حكايات الناس... جاءت إمرأة تدعى هويدا تطلب منها أن تحكى لها قصتها ليس من أجل طلب النصيحة، ولكن لإيداء النصيحة...و بدأت في قص حكايتها:

- بصى أنا اتجوزت وأنا عندي 21 سنة... جواز صالونات... لا حب ولا حاجة عن طريق صديقة في الجامعة شكرت في اهله جدا وفيه هو كمان. اتعرفنا...وحسيت إنه ممكن يصلح زوج، وكان اكبر منى ب 10 سنين كاملة...و ده كان طلبي ان زوجي يبقى أكبر منى... لأنى كنت بشوف الشباب اللى في سنى تافهين وغير متحملين للمسؤولية. راعي إني كنت صغيرة ومليش تجارب ولا علاقات قبل كده...فمقيمتهوش بشكل صح.

قالت حور بتفهم:

- اكد مراعية كملى.

- فرحت زي باقى البنوتات، وإني هبقى عروسة بقى وكده، و عدت سنة خطوبة، و بدأنا تجهيز شقتنا... وبدأت تظهر فيه عيوب كتير... بس أنا مش عارفة آخذ قرار بفسخ خطوبتى أو حتى أصارح أهلي بكده... و عدت سنة كاملة، واتجوزنا مع

والدته في نفس البيت... بس شقتى منفصلة عنها. الحياة الأول كانت هادية وعادية... وشوية وظهرت بعض عيوبه الى كانت أبتدت تظهر في الخطوبة... من عدم مسؤولية وهكذا... و بدأ يطالبني بفلوس، مع إني بطلت اشتغل من ساعة ما جبت بيبي، ولأنه عارف إن أهلي مقتدرين كان بيطلب بقلب جامد و عايزهم يساهموا في مصاريف البيت. هو موظف بس اهله مقتدرين وبيتنا كان تمليك ووالدته بتساعدنا ماديا.

قالت حور بغضب:

- و أما أهلك هيصرفوا عليكى في بيت جوزك ما كنتى تخليكى عندهم و يصرفوا عليكى هما بردو وأما أهلو هيصرفو ما كان يخليه عندهم.

قالت هويدا بألم :

ماهي دي الطباع الزفت اللى ظهرت واحدة واحدة هم مقتنعين إن الراجل بيعمل اللى عليه حتى لو أقل القليل،وأهل البنت واجبهم يكملوا بقى، وأنا كان ليا شقتين تمليك في بيت اهلى ومتأجرين بدون مبالغه منى.... يوميا كان بيتكلم في موضوع الفلوس والإيجار ده بدأت أعيط وأتعصب وأترفز وأخذ مهدئات ;لان بيت أهلى فيه ظروف مقدرش أقول عايزة أتطلق أبدا كتمت جوايا وعشت حياتى في معاناة رهيبه جبت ولدين مش عارفة إزاي في الظروف دي أحلفلك أنه عمره ماجاب ليا هدية ولا أخذت عيدية ولا كسوة صيف ولا شتا ولا حتى دبوس طرحة



من فلوسه كله من أمى وأبويا، وكل ما اطلب يقولى منين مانت شايفة هو معتقد انه كفاية عليا شرف انه اسمه جوزى بس.

قالت حور بشفقة:

- وفضلتى مستحمة لحد أمتة؟

- 10 سنين بالتمام والكمال لحد ما انفجرت... مشكلة هبلة وعبيطة جدا وصممت على الطلاق والدي كان اتوفى ومليش إخوات رجالة ولا أعمام ولا أخوال يعنى عيلة بلا رجالاااا استهيفني بمعنى اصح.... قالي تمام عاوزة تطلقى ماشي بس تبريني لا قايمة ولا مؤخر ولا عفش ولا حتى هدومي الى عنده... تخيلي... وفعلا يا حور حصل ده.

قالت حور بغضب:

- ليه فرطى فى حقك؟!

قالت هويدا بحزن:

- علشان أخلص منه ولو كان طلب فلوس اكر كنت دفعت سابلى الولاد عشان يكلبشنى بيهم ومتجوزش و أصرف عليهم وأراعيهم وهو يعيش حياته عشت 5 سنين منفصلة وهو ورايا يترجاني أرجع له لدرجة أنه وعدنى يسيب العصمة فى إيدي، و أطلب كل الى نفسى فيه وهيعمله وأنا أبدااااا... أعد طول الخمس سنين دول مغرقنى هدايا وكلام حب وعواطف.

قالت حور بسخرية:

- كان فين الحب ده ايام ما كنتى مراته صحيح الممنوع مرغوب.

تابعت هويدا:

- و الله عمره ما قالي كلمة حلوة، و لا حسيت بغيرته ولا حبه طول جوازنا... المهم اتقدملى واحد طيب جدا و قمة فى الأدب و الإحترام و وافقت عليه و عوضنى جدا بجد الحمدلله.

قالت حور بإبتسامة:

- طب و ولادك مش كان عندك ولدين؟

- ايوة بس ابنى الكبير قرر يعيش مع والده هو فى إعدادى دلوقتى، و ابنى الصغير عايش معايا أنا و جوزى.... و جوزى بيعامله حلو جدا الحمدلله... عشان كده أنا عايزاكى تقولى لكل البنات ميفرطوش فى حقهم أنا كنت خلاص قربت أبقى مدمنة من كتر المهدئات اللى باخدها.. قوليلهم إنه حقيقى ربنا بيعوض.

قالت حور بإبتسامة واسعة:

- فعلا عندك حق ربنا يسعدك.... أنا مبسوفة إنه فترة الاستماع لحكايات الناس كان ختامها إستماعى لحكايتك.

ودعوا بعضهم و انصرفت هويدا لتبدا حور فى عمل بعض الندوات لتوعية الشباب و الفتيات و كذلك الأزواج و الزوجات كما وعدتهم فى ندوتها الاخيرة، كما وحاولت حور حل المشكلات التى قصت عليها و استنباط العبر منها و إخبارها للحاضرين فى الندوات.

نعود إلى حياة حور في بيتها قليلا حيث لم تكن حور غافلة عن دراسة ابنتها , فهي كانت تذاكر لها كثيرا و تحاول تنمية مهاراتها، كما لم تغفل عن عملها و أبحاثها.

مرت قرابة الخمس سنوات ودخلت حور في عقدها الرابع فقد بلغت من العمر 32 عاما و ابنتها أصبحت 10 سنوات، فأصبحت اكثر نضوجا و رزانة... كانت حور تسافر بابنتها شهريا لرؤية والدها طوال تلك الأيام ولكن الان حان وقت إخبار أيسل بنصف الحقيقة وليست كلها.....

نادت حور على ابنتها قائلة:

- أيسل.

- نعم يا مامى.

- أنت عارفه بابا مش عايش معنا ليه؟

- اه علشان أنتو زعلانين من بعض.

- طيب بصى يا حبيبتى أنت بقيتى كبيرة صح؟

- اه طبعا يا مامى بقيت كبيرة.

- طيب اسمعيني للآخر كده.

- حاضر.

- مش احنا اما بنزور بابا بيبقى فى مكان غريب كده مش فى

بيت؟

- أيوة يا مامى.

- المكان ده يبقى سجن.
- طب وهو فى السجن ليه يا مامى هو عمل إيه؟!
- أمممم قتل وحدة وحشة.
- طب لما هى وحش وهو قتلها حبسوه ليه؟
- علشان حتى لو هى وحشة مينفعش هو اللى يقتلها.
- مممم عندك حق يا مامى.
- ثم تأبعت أيسل قائلة:
- هو هيخرج أمته؟
- بعد عشر سنين.
- ياه يا مامى ده أناهكون كبرت خالص.
- ايوة يا حبيبة مامى هتبقى كبرتى خالص.
- ثم قالت بجدية:
- حور ذاكرى كويس أوى علشان قريب هيبقى عندى ليكى مفاجاة.
- أيسل بعدم تصديق:
- بجد يا مامى.
- ايوة إن شاء الله بس أنت ذاكرى.
- قالت أيسل بفرح:
- حاضر.

وأثناء حديثها مع ابنتها جائها إتصال من مكتب عميد الكلية بأنه يريدتها في مكتبه بعد نصف ساعه، وكانت الساعة العاشرة صباحا فارتدت ملابسها سريعا، و أخذت مفتاح سيارتها وذهبت اليه و دخلت و هى تحاول إتقاط أنفاسها قائلة:

- تحت أمر حضرتك يا دكتور.

قال بهدوء:

- انفضلى يا دكتورة استريحى.

فجلست حور ثم قالت فى استعجال:

- خير يا دكتور أنا اسفة على التأخير.

- ولا يهملك أنا بس حبيت أبلغك إنك بقيتى رئيس قسم العلوم الطبيعية.

قالت حور بدهشة:

- نعم؟!!

قال العميد بإبتسامة:

- أيوة تستحقها يا حور عن جدارة.

- شكرا ل حضرتك أنا مش عارفه اشكرك إزاي.

- متشكرينيش يا بنتى اشكرى ربنا اللى كتبلك انك تكونى فى المكان ده.

ابتسمت حور ونظرت له بأمتنان ثم قالت:



قال حسام بإبتسامة:

- وكمان لازم نشكر م. أحمد لانه هو اللى ادانى رقم عمك.

- فلاش باك كام شهر-

حيث اتصل د. حسام بيشمهندس أحمد:

- السلام عليكم بشمهندس أحمد.

- ايوة... مين.

- أنا د. حسام.

- اهلا بيك يا دكتور وحشتنا..

قال حسام بهرح:

- وأنا بقى متصل عشان موحشكوش تانى أبدا أنواعيز اطلب إيد

د.سيسيل للجواز.

- أنت متأكد يا ابنى.

- ايوة متأكد.

- طيب يا بنى أنا ممكن أديك رقم عمها لأنه والدها متوفى...

واقولك تكلمه أمته عشان أكون إدتله خبر.

- كتر خيرك يا عمى والله.

- ربنا يكتبلكو الخير يا دكتور... ربنا يعلم إنى بعثرك ابنى.

-----

ضحكت سيسيل عندما سمعت نص المكاملة وقالت بتقليد  
لحسام:

- وأنا بقى متصل عشان موحشكوش تانى أبدا.

قال حسام متوجها بحديثه إلى حور:

- شايقة صحبتك بتتريق عليا.

قالت حور بإبتسامة:

- معلش بقى هى سيسيل كده مجنونة.

و إستأذنت لتتفقد ابنتها.

انتهى الزفاف و عادت حور و والدها ووالدتها إلى الأسكندرية.  
فى اليوم التالى ذهبت حور إلى الجامعة لتباشر عملها فوجدت  
رسالة تهنئة على مكتبها، ومعها باقى من الزهور الجميلة و كانت  
من شخص كان اسمه مألوفا بالنسبة لها، و اتضح لها فيما بعد انه  
د. سيف محمود زميلها بالجامعة والذى كان يكبرها بثلاث  
سنوات فقط، لم تكن تعلم كيف علم بتوليها ذلك المنصب فهى لم  
تكن على تواصل معه.

مرت الايام متشابهة و قبل انتهاء الفصل الدراسى الثانى من ذلك  
العام، عادت حور من عملها فوجدت والدتها تبتسم فى وجهها، و  
تكاد تطير من السعادة و ذلك على عكس عاداتها.

فقالت حور بتعجب من حال والدتها:

- خير يا ماما؟



قالت إيناس بفرحة:

- كل خير يا حبيبتي ان شاء الله.

ثم تابعت:

- روحى لبابا فى الصالون عشان عايزك.

قالت حور بقلق:

- حاضر... خير يارب.

ذهبت حور إلى حيث يجلس والدها وقالت بقلق واضح:

- خير يا بابا فى إيه؟

قال أحمد بهدوء:

- قوليلي يا حور أنت عندك استعداد تتجوزى تانى... وللا كرهتى

الرجالة؟!

قالت حور بجدية:

- لا مكرهتش الرجالة يا بابا أنا أعقل من كده....

فقاطعها قائلاً:

- طب رددى عليا عندك استعداد و للا لاء.

قالت حور بتفكير:

- أممم... على حسب الشخص.

- طيب فى واحد متقدملك ممكن تقعدى معاه وللا هترفضى

بردو.

قالت حور بسخرية:

- عشان كده بقى ماما بتغنى... و يا ترى ماما جابته منين ده  
كمان؟!!!

ثم تابعت:

- ومطلق بقى وللا أرمل وللا أكبر منى بعشرين سنة زى اللى  
جبتوهم قبل كده.

قال أحمد بجدية:

- لا يا حور مش عن طريق ماما أصلا و كمان مفيهوش ولا حاجة  
من اللى قولتيها ده.

قالت حور بمزيد من السخرية:

- إيه ده معقولة حد جاى يتقدم لوحدة متطلقة و معاها بنت  
وهو ولا مطلق ولا ارمل ولا عجوز.

قالت أحمد بإبتسامة:

- أيوة يا حور... شوفتى بقى... فى حد فى الدنيا دى غيرك مش  
فارق العادات و التقاليد.

قالت حور بتساؤل:

- هو مين ده يا بابا؟!!

- أمممم فاكرة د. سيف اللى فى قسم كيمياء.

قالت حور باستغراب:

- د. سيف محمود!!؟

- ايوه يا حور.

- طيب وبعدين يعنى؟؟

- عادى يا حور بصراحه هو كان مكلمنى من فترة و قتلته إنك مش مستعدة حاليا و أول ما الايكي مستعدة هفاتحك فى الموضوع... و هو متابع أخبارك على طول، و مستنى توافقى تقعدى معاه عشان يجى اسكندرية و يجيب اهله ويتقدم بشكل رسمى.

قالت حور بسخرية:

- هو اتجوز وطلق هو كمان وللا إيه؟!

- لا متجوزش.

و فى ذلك الوقت جاء فى ذاكرة حور قصة نسمة التى جائتها فى الجمعية فقالت لوالدها بتساؤل:

- و هو أهله هيوافقوا على إنه يتجوز وحدة متطلقة ومعاه بنت!!؟

- هما مكانوش موافقين لكن هو اقنعهم.

- أمممممممم.

- ها يا حور قلتنى إيه... اقله يجى وللا لاء؟

- ماشى يا بابا أنا موافقة أقعد معاه خليه يجى.

- طب يوم الخميس الجاى هينفع معاك؟

قالت حور بتفكير:

- أمممممم أناعدى ندوة يومها من 5 ل 6.

قال أحمد بإبتسامه:

- خلاص هنيجي نحضرها و نرجع على البيت كلنا وتعدى معاه.  
مر ذلك الاسبوع بسرعة غريبة و وجدت سيف و والدها و والده أول  
الحضور، أما والدتها و والدته و أيسل كانوا فى المنزل، و ما إن  
رأتهم حور حتى ارتبكت و شعرت أنها نسيت كل شىء قدمت  
لتقوله.

تمالكت حور أعصابها و صعدت على المسرح ثم بدأت فى  
التحدث:

- السلام عليكم..... بسم الله الرحمن الرحيم، و الصلاة و السلام  
على أشرف الخلق و المرسلين... بعد مرور قرابة ست سنوات على  
افتتاح جمعية حقك من حقك... و أولى القضايا التى تبنتها  
الجمعية هى قضية الطلاق... ذلك الشبح الذى أصبح يهاجم  
فتياتنا.. أصبحت المرأة تخاف أن تتزوج حتى لا تدخل فى سجن  
وتصبح أسيرة فى بيت زوجها... و الزوجة تخاف أن تطلق فينظر  
إليها المجتمع وكأنها عار عليه حتى وإن كانت واقعة تحت ظلم  
زوجها... و من موقعى هذا فأنا حالى مثلكم أطلق علي لقب  
مطلقة منذ قرابة سبع سنوات.. دشنت تلك الجمعية لرفع  
الظلم... بدأت بقضية الطلاق ليس لدعوة السيدات للطلاق فأنا

لا أملك عقدة من الرجال ولكن عقدتي الحقيقية هي من أشباه الرجال... إلى كل فتاة في عمر الزواج و تخاف من الطلاق أحسن الاختيار... لا تنظري إلى المال والجمال و المناصب.... انظري إلى الجوهر...

إلى كل زوجة تهان في بيت زوجها حقك من حقك... من حقك الحياة كأنثى حرة... من حقك الطلاق... كما وأنه من حقك الزواج مرة أخرى... لا تجعلى رؤية أشباه الرجال بكثرة تصيبك بالعمى، فلا تستطيعى رؤية الرجال الحقيقية... أعلم أن الطلاق هو أبغض الحلال... ولكنه شرع لجعل المرة تشعر بحريتها، وتشعر أنها ليست سلعة تباع و تشتري... إلى كل مطلقة خائفة من نظرة المجتمع، و منذ طلاقها وهى تخاف الخروج من المنزل و تخاف مواجهة الناس... أخرجى و قولى للعالم بكل قوة... أنا مطلقة.. نعم مطلقة ولكن سأتحرر... سأتحرر من القيود المجتمعية... سأتحرر من العادات و التقاليد... لن أطبق سوى أوامر الله أما تقاليدكم فلن أعيها أى إهتمام بعد الآن... كوني قوية ف "حقك من حقك " فلا تتهاونى به... والسلام عليكم ورحمة الله وبركاته.

نزلت حور من على المسرح و سطت تصفيق الحاضرين لنتهى رحلتها مع المجتمع في محاولاتها للتحرر من قيوده و تبدأ رحلة أخرى في حياتها الجديدة بعدما تحررت من أولى العادات والتقاليد وهى مواجهة المجتمع بقوة بالغه.

## الفصل الثالث

مطلقة ولكن... ❁

ستحرر! ❁

انتهت الندوة و عادت حور إلى منزلها بصحبة والدها و د.سيف و والده، جلس الجميع معا و طلب د. سيف يد حور و تركهم الأهل ليتحدثوا قليلا فبدأ سيف قائلا:

- حور... أممم قصدى د. حور مبروك على المنصب الجديد.

- الله يبارك فيك يا دكتور عقبالك.

قال د. سيف بجدية:

- ياريت لو عندك أسئلة اتفضلى.

- مम्म تمام.. أولا: مش محتاجة أسأل فى الجانب الأكاديمى او التعليمى او العملى او العلمى او حتى الدينى أعتقد إنه أنا عارفة اغلب الإجابات، و حتى اللى معرفهاش أعرف الإجابات التقليدية اللى كل الناس بتقولها..... بس أنا أهم سؤال بالنسبىلى هو إيه اللى يخليك تفكر فى الجواز من مطلقة؟ ومش مطلقة بس دى كمان معاها طفلة؟

- بصى يا حور... بصراحة أنا من ساعت ما شوفتك وأحنا لسة طلبة و أنا عايز اتقدملك..... بس بعدها على طول اتخطبتى و اتجوزتى و أنا قلت خلاص ده قدر ربنا... بعدين ربنا شاء انك تنفصلى عن زوجك... يعنى أكن الفرصة جتلى من تانى إنك تكونى زوجتى هل اضيعها؟!... قبل كده ضيعتها لإنى مكنتش هقدر أتقدم لأنى لسة طالب و يكون نفسى لكن دلوقتى بفضل الله الوضع احسن و.....

قاطعته حور قائلة:

- بس متنساش يا دكتور إنه أنت مش هتتجوزنى لوحدى... طالما رضيت تتقدملى وعارف إنه معايا بنت... لازم تكون عارف إن بنتى هتفضل عايشة معايا أنا من رابع المستحيالات اسببها مع والدى و والدتى مثلا واتجوز و أعيش حياتى... وقبل حضرتك كتير جم على مدار السنين اللى فاتت و كنت برفضهم لأنهم عايزين خدمة مش زوجة ده أولا.. ثانيا عايزين يلغونى و يلغو شخصيتى وكيانى... ثالثا و ده الأهم مش عايزين بنتى تعيش معايا.

قال سيف بهدوء:

- ومين قال إنه أيسل مش هتعيش معانا... أيسل هتعيش معانا ومحدش يقدر يبعتها عنك يا حور... شرف لييا إني أعتبر أيسل بنتى.

قالت حور بتفكير:

- وأنا إيه يضمنلى إنك هتعامل بنتى حلو و مش هتعايرها بعد كده إنها عايشة فى بيتك.

قال سيف باحساس بالإهانة:

- أنا أرقى من كده بكتير يا حور... و بعدين هو مش بيتى ده هيبقى بيتك أنت كمان... أنا أتمنى بس إنه أيسل تحبنى و تعتبرنى زى والدها فعلا.

قالت حور ببعض الارتياح:

- طيب تمام أنا معنديش أسئلة تانى... لو عندك أسئلة إتفضل.



قال سيف بإبتسامة:

- تحبى تعيشى فىن هنا وللا نرجع القاهرة؟

قالت حور بتردد:

- أممم إسكندرية.

- و أنا كنت عارف ده وسألت هل فى أمكانية إنى أنقل و للا لاء،  
والحمدلله قالوا فى إمكانية و مستنى موافقتك عشان أنقل.

- طب أنا هروح أندهلهم بقى.

قال بسيف بفرحه:

- إتفضلى.

نادت حور أهلها و بعد تجاذب أطراف الحديث و ترك حور  
لتفكر جيدا.... أخيرا وافقت حور وسط فرحة عارمة من والدتها  
ولكن قبل موافقتها دار بينها وبين ابنتها حوار فهى لم تكن لتأخذ  
قرار بدون مشاركتها فيه:

- أيسل مش أحنا إتفقنا انك كبيرة وعاقلة و صحبتى؟

- ايوة يا مامى.

- طب هو أنت عندك مشكلة انه مامى تتجوز؟

- أممم بس هو يعنى أنت لو اتجوزتى هتاخدينى معاكى صح؟

- طبعا يا حبيبتى هتفضلى معايا.

- طيب إيه المشكلة؟

- يعنى مش هتبقى متدايقة إنه هيبقى فى راجل غريب عايش معانا.

- لا يا مامى مش هبقى متدايقة بس عندى سؤال.

- اتفضلى يا حبيبتى.

- هو عمو ده هيبقى لازم اقعد قدامه بالطرحة؟

- لا طبعاً مش هتقعدى معاه بالطرحة ولا حاجة أول ما يجى يعيش معانا هتقعدى معاه بلبس البيت عادى.

- طيب خلاص... أنا بس كنت خايفة أبقى قاعدة فى البيت بالطرحة عشان هو موجود.

- لا يا حبيبتى ده هيبقى زى بابي، و هيعاملك حلو خالص إن شاء الله... كمان ربنا حلل إنه البنات يقعدوا قدام زوج مامتهم بشعرهم عادى زى باقى المحارم.

- ماشى يا مامى.

و أنهو الحوار معاً و أصبحت حور على قدر من الإرتياح....  
متمنية من الله أن يكتب لها و لابنتها الخير و أن لا تظلمها مرة أخرى، فهى ما تزال يؤنبها ضميرها كثير لإختيارها لأيسل أب كباسل و لكن قدر الله و ما شاء فعل.

تمت خطبة حور و أثناء فترة الخطبة كثيرا ما كانت تتذكر أيام خطبتها لباسل، و كيف كان يغمرها بالكلمات الرومانسية و كيف كانت تعتقد أنه يحبها، ثم تعود إلى سيف الذى يحبها و يظهر

ذلك عليه و لكن يكتف حبه فى قلبه كى لا يعصى الله و يصرح  
بمشاعره تجاهها داعيا الله أن يجمعهم على خير.

انتهت الخطبة على خير بعد قرابة العام، لأن حور كانت تخشى  
إتمام الزواج سريعا، كما كانت تود معرفة سيف أكثر و بعد تم  
اتمام الزواج بشكل بسيط للغاية و هادىء ؛ فحور لم تكن تحب  
الصخب حتى فى زواجها الأول كان حفل زفافها بسيطا، سافرت  
حور لمدة اسبوع مع زوجها بعيدا عن مشاغل الحياه.

كان سيف يحاول بكل ما أوتى من قوة إسعادها، و لكن كانت  
حور ما تزال خائفة منه و لم تكن لتسلم قلبها بسهولة فى هذه  
المرة.

عادت حور إلى عملها و أبحاثها و متابعة الجمعية و أعمالها  
المنزلية و مذاكرة ابنتها، و كانت ابنتها تظهر تميز غير طبيعى فى  
الاحياء مما جعلها تراسل الكثير من الجامعات فى الفترة الأخيرة ؛  
لتخبرهم بنوع ابنتها متمنية إستجابة إحدى الجامعات لها، و  
تحاول تنمية ابنتها فى الاحياء إلى ذلك الوقت.... بعد مرور  
شهرين من زواجها علمت حور بأنها حامل و طيلة فترة الحمل  
كان سيف قريب منها للغاية و يحاول خدمتها و إيصالها إلى  
عملها، و متابعة مذاكرة أيسل كما أن أحبته أيسل كثيرا فقد  
أعطاه مشاعر الأبوة التى لطالما افتقدتها.

بعد مرور أشهر الحمل و وضعت حور و رزقهم الله بميرا و سيلاء...  
كانت أيسل سعيدة جدا بالفتاتين فهى و لأول مرة تشعر بأن لها

إخوة رغم فارق العمر بينهم... كما و أن سيف كاد يطير من الفرح.

وبعد مرور قرابة العام كانت حور قد أخذت إجازة من عملها لرعاية طفلتها، و لكن لم تكن لتغلق جمعيتها فكانت تتابعها باستمرار في نهاية ذلك العام وقبل عودة حور للعمل جئتها رسالة من الجامعة الأمريكية... تفيد بأن تأتي يوم الأحد المقبل لعمل اختبار لأيسل لمعرفة مستوى زكائها و قدراتها في الاحياء.

مر ذلك الأسبوع سريعا، و ذهبت أيسل بصحبة والدتها و سيف إلى الإختبار و نجحت به... كما و أبتدت تفوق ملحوظ و قررت الجامعة الأمريكية تبنيها مما دفعهم لترك الأسكندرية، و العودة إلى القاهرة لتدرس أيسل بالجامعة الأمريكية وبالفعل انتقلو على بداية العام الجديد، لتبدأ أيسل حياتها الجامعية في الرابعة عشر من عمرها. قررت حور تعليق عمل الجمعية لمدة أربعة أعوام حتى تنهى أيسل جامعته و يعودوا إلى الأسكندرية من جديد.

أثناء تلك الفترة في القاهرة تمت ترقية حور من أستاذ مساعد إلى أستاذ دكتور، و كان زوجها كان تم ترقيته قبلها ببضعة أشهر.... حملت حور مرة أخرى و وضعت ولد يدعى مالك و أيسل في عامها الرابع بالجامعة ليصبح الفرق بين مالك و أيسل سبعة عشر عاما.

بعد إنهاء أيسل جامعته عادت مع والدتها و سيف و إخوتها إلى الأسكندرية حاملة شهادتها الجامعية بعدما قدمت على بعثة

للسفر إلى أمريكا لإستكمال دراستها و هى بانتظار الرد....  
تقف أيسل فى شرفة منزلها تنظر إلى البحر لتتعامل إشاعة  
الشمس على أعينها ; لتكشف ذلك الحب الذى تحاول إخفاؤه  
بداخلها،فتأتى والدتها من خلفها قائلة:

- الجميل سرحان فى إيه؟

- ممممم... مامى أنت قلتى إنه احنا صحاب صح؟

- طبعا يا أيسل.

- بصراحة كده يا مامى فى موضوع أنا خبيته عليكى بس مكنتش  
عايزة أقلك غير لما اتاكد.

قال حور بإستغراب:

- موضوع إيه و تتاكدى من إيه؟!

- أممم أنا بحب يا مامى... بس كنت خايفه يعنى تكون كانت  
مشاعر مراهقة وكده، او لانه قدامى فترات طويلة لكن لقيت إنه  
فعلا أنا بحبه.

قالت حور بإبتسامة:

- و هو مين ده بقى يا ست أيسل... كبرنا وبقينا بنحب.

قالت أيسل بخجل:

- مممم فاكرة عمرو ابن د. محمد عبد العظيم اللى هو كان معايا  
فى الجامعة و طلع بابى سيف يعرفه.

- اه.. هو ده يعنى؟

- مميم بصراحه اه.

فقال حور بجدية:

- و أنتو كنتو بتتكلموا بقى يا أيسل و هو بيحبك يعنى؟

قالت أيسل وهى تحرك رأسها نافية:

- لا طبعا يا مامى إيه نتكلم دى... و بعدين هو اتخرج قبلى  
ومن ساعتها يعتبر معرفش عنه حاجة، بس يعنى هو كان شكله  
بيحبنى يعنى.

قالت حور بضحك:

- يا سلام ياختى... حلوة شكله بيحبنى دى...

قالت أيسل بسرحان:

- اه حلوة أوى.

تابعت حور بضحك:

- و الله أنت اللى حلوة... المهم ركزى فى دراستك وادعى ربنا يا  
أيسل ميعلقش قلبك بحد مش ليكى... و يكتبك الخير اين كان  
فين.

قالت أيسل بجدية:

- حاضر يا مامى.

مرت الايام لتتعين حور كعميدة لكلية العلوم بجامعة الاسكندرية بعدما أثبتت جدارتها و تفوقها في العمل... كما و عادت لإفتتاح الجمعية و لكن بأعمال بسيطة للغاية، فهي لم تكن تمتلك وقت فراغ كافي خصوصا و أن معها ميرا و سيلا لم يكملوا الخمسة أعوام، و ايضا مالك لم يكمل عامين بعد... فقد كانت أيسل تبذل الجهد مع ميرا و سيلا، لتجعلهم افضل منها فهي كانت تعتبرهم أولادها و ليسوا اخوتها و تعلمهم و تدرسههم و تجعلهم يحفظون القرآن.... فإن أيسل قد أتمت حفظ القرآن و هي في الثانية عشر من عمرها....

ظلت أيسل تدعو ربها كل ليلة فهي لم تكن اقل إلتزاما من حور بل ربها اكثر... كما و أن سيف كان يشجعهما للتقرب من الله، و في ذلك العام ذهبت حور للتحدث مع سيف لتطلب منه طلب لأول مرة و طرقت باب مكتبه.....

جائها صوت من الداخل يقول:

- مين؟

- أنا أيسل.

- اتفضلي يا حبيبتي.

دخلت أيسل و جلست على الكرسي المقابل له ثم قالت:

- باي ممكن اطلب منك طلب؟

- طبعا يا أيسل أنت تؤمري.

- هو احنا ممكن نروح عمرة في رمضان؟

- بس رمضان بعد شهر تفتكرى هنلحق؟

- أمممم ان شاء الله نلحق بس أنا نفسى اروح أوى.

قال سيف بحنو:

- حاضر يا حبيبتى ان شاء الله نروح.

فشكرته أيسل وانصرفت.

وبالفعل فى اليوم الأول من رمضان كان الجميع قد وصلوا إلى الأراضى السعودية و معهم والد و والدة حور، و أيضا والد و والدة سيف لأداء شعائر العمرة.

ظلت أيسل طوال العمرة تقرأ القرآن و تناجى ربها بأن يكتب لها الخير و يرضيها به، و كان عندها يقين تام بقوله تعالى (وقال ربكم ادعوني استجب لكم)، فكانت تدعوا وهى تعلم بأن الله باذن الله سيستجيب دعاؤها إذا كان فيه خير، و إذا كان شرا فسيحميها من ذلك الشر.

عادوا من العمرة بعد إنتهاء شهر رمضان الكريم، و بعد قرابة الشهر و جد سيف هاتفه يعلن عن اتصال د. محمد عبد العظيم وأنه يريد مقابلته فأخبره أنهم فى الأسكندرية، فقال أنه سيأتى بزوجته و ابنه و ابنته و يأتوا لزيارتهم بعد اسبوع، و اتفقو على المعاد و لكن لم يخبره عن سبب الزيارة، و عندما جاء اليوم المحدد لم تخبر حور أيسل ان من سيزورهم هم عائلة عمرو...

ارتدت حور فستانا واسعا باللون الموف الغامق و عليه طرحة كبيرة



باللون السكرى لتبدوا كاملالك مثل والدتها تماما...  
وصلت عائلة عمرو وعندما رأته أيسل كاد يغشى عليها من  
الفرحة... تعلقت أعينهما لبرهة ثم نظرت إلى الارض. جلس الجميع  
معا و فجأة قال د. محمد مزاح:

- احنا جاين نخطب ميرال لمالك ... قصدى عمرو لأيسل

فقال سيف بهرح:

- والله بالنسبة لمالك فمش هنلاقي احسن من ميرال، وطالما هي  
موافقة احنا موافقين... وأكد مش هنلاقي أحسن من عمرو بس  
ده بعد موافقة أيسل.

أشارت حور لسيف بأن يصطحب عمرو و أيسل إلى الغرفة المقابلة  
ليتحدثا سويا.

و بالفعل اصطحبهما و تركهما وعاد.

بدأ عمرو حديثه قائلا:

- الحمدلله.

فقالت أيسل بتعجب:

- الحمدلله في كل وقت... بس على إيه؟

- عليكى يا أيسل... أنا كنت خايف أوى أجى الإيكي اتخطبتى...  
وفي نفس الوقت مكنش ينفع أقلك إنى عايز أتقدملك إلا أما أكون  
مستعد لده.... أنا لو لفيت الدنيا كلها مش هلاقى حد زيك.  
قالت أيسل بخجل:

- ميرسى .

قال عمرو بجديّة:

- أعتقد إنك عارفة عننى كل حاجة؟

فقالت بإبتسامة:

- أيوة... وأنا كمان أعتقد إنك تعرف عننى كل حاجة... أمممم لو عندك سؤال اتفضل.

فقال لها بهيام:

- أيوة عندى سؤال بس تعالى هقولهولك هناك.

بادرت أيسل بالوقوف و ذهبت متجهة إلى حيث يجلس أهلهم، و عندما جائت لتجلس قال عمرو الذى يتبعها :

- استنى.

فاستدارت له و هى ما تزال واقفة فجثا على ركبتيه و هو يفتح علبة بها خاتم قائلا:

- تتجوزينى يا أيسل؟

تساقطت دموع أيسل... فها قد استجاب الله دعواتها... فحركت أيسل رأسها مشيرة بالموافقة، و الدموع ما تزال تنهمر.

جلس الجميع ليتفقوا على موعد الخطبة و من ثم الزواج.... وبعده مرور أكثر من عامين فى التجهيزات تم تحديد موعد زفاف أيسل مما جعلهم ينتقلوا إلى القاهرة حتى تتزوج أيسل، ويصادف ذلك الوقت خروج باسل من السجن بعدما قضى الخمسة عشر عاما....

كانت أيسل لم تذهب إليه منذ عام كامل لإنشغالها بتجهيزات بيتها.... وكان باسل قد علم بأمر خطبتها عندما ذهبت له قبل خطبتها بأيام و معها عمرو لإخباره.

خرج باسل و هو يملئه الحزن لتفريطه في بيته و زوجته و دينه و دنيته مقابل شهوات وقتية في هذه الدنيا، حزين لأنه لم يقدر نعمة الله عليه، فكان عقاب الله أن سلبه جميع تلك النعم. توسل باسل إلى حور لكي تمكنه من حضور حفل زفاف ابنته الوحيدة وأنه قد تغير و لن يزعجهم مرة أخرى، و بالفعل وافقت و جاء يوم الزفاف كل واقف مع عائلته في ماعدا باسل يقف بمفرده يراقبهم من بعيد فها هي حور تقف بجانب زوجها و معها الطفلتين اللتان كبرتتا قليلا و قاربا على الثامنة أعوام و ابنتها مالك الذى اصبح في الرابعة من عمره، و أيسل ابنته الصغيرة التى لطالما أفرعها بصوته العالى، وصراخه في أمها... هى الوحيدة التى كانت تزوره بعدما توفي والده من خمس سنوات و تبرت منه والدته، وكذلك إخوته رغم محاولاته المستميتة في جعلهم يتراجعون عن ذلك القرار.... ولا ينسى باسل أن حور لها فضل كبير، فهى لم تجعل أيسل تكرهه بل كانت تجعلها تزوره منذ طفولتها.....

انتهى الزفاف و سافر الزوجان إلى أمريكا حيث ستكمل أيسل دراستها و سيعمل هناك عمرو.

عادت حور و زوجها وأولادها إلى الأسكندرية لتتصدم حور من جديد بنشر خبر عنها في بعض الصحف و المواقع الإلكترونية بعنوان " مطلقة ولكن..... " ، و جاءت تفاصيل الخبر تقول:

"مطلقة عاشت حياتها على مراحل عدة... أولاً كانت اسيرة في بيت زوجها الذي انجبت منه طفلة وكان يخونها كثيرا و من ثم سجن في قضية قتل فتاة ليل فطلبت الطلاق، وانتقلت إلى العيش بالأسكندرية، كما و دشنت جمعية حقك من حقك وادعت أنها للدفاع عن حقوق المرأة بشكل عام، و تبنت قضية الطلاق وادعت أنها تدعو المتزوجة المأسورة في بيت زوجها للطلاق فإنه حق مشروع، و ادعت أنها تحررت من القيود المجتمعية عندما تزوجت مرة أخرى من رجل لم يتزوج من قبل لتوقع عليه الظلم و تفرض عليه سيطرتها... على مدار قرابة الخمسة عشر عاما تدعو المتزوجات للطلاق و تفسد حياتهم و هى تعيش حياة كريمة مع زوجها و أولادها و ها هى الآن قد زوجت ابنتها... نشرت لكم حكايات الطلاق لتصنع عداء بينكم و بين الرجال، و هاهى الآن تعيش مع رجل و انجبت و لد سيصبح رجل و زوجت ابنتها الكبرى لرجل... فهل كانت تستحق مساعدتكم طيلة تلك السنوات و مساندتكم لتصبح بتلك الشهرة، تلك الدكتوراة بكلية العلوم بقسم الفيزياء التى حولتموها إلى طبية نفسية... نعم إنها ا.د. حور أحمد عميدة كلية العلوم بالأسكندرية."

تتساقط دموع حور إثر قراءة ذلك الخبر، فيدخل سيف ليحيطها بزراعيه و يقول لها أن لا تحزن و أن الله سيحق الحق و يظهره... حاول سيف جعل حور اقوى، و بعد مرور بعض الايام قررت حور عمل ندوة كبيرة في القاهرة و مغطاه من الكثير من وسائل الإعلام

فكانت حور ما تزال عميدة كلية العلوم بالأسكندرية... وكذلك  
حضر باسل تلك الندوة.

صعدت حور على المسرح و هي في كامل أناقتها، وكذلك ثققتها في  
نفسها وبدأت حديثها قائلة:

- السلام عليكم ورحمة الله وبركاته... بسم الله الرحمن الرحيم...  
اليوم سأقص لكم قصة حياتي كاملة من الألف إلى الياء لكي تكونوا  
على دراية بها ولا تستمعوا لقصص المزورين و الكاذبين هؤلاء  
الذين يريدون إسقاط كل امرأة تتحدث في حقوق المرأة فلم أرى  
مقالا واحدا كتب ضدي من امرأة كل المقالات كتبت بقلم رجال،  
و دعوني لا أظلم الرجال بقولي عنهم رجال فمن يكذب و يشوه  
سمعة امرأة ليس برجل .... نعم هؤلاء هم أشباه الرجال... أشباه  
الرجال الذين أحاربهم وسأظل أحاربهم بكل ما أوتيت من قوة...  
أنا إمراة تزوجت في الواحد وعشرين من عمري من شخص يكبرني  
بخمسة سنوات... بمقاييسنا الإجتماعية كان مناسباً... بل و ربما حلم  
لكل فتاة.. تزوجته ولم أغفل عن دراستي وتفوقت بها حتى أني  
أخذت تقدير إمتياز في عامي الرابع بالجامعة، مع أني كنت متعبة  
من الحمل في ابنتي الأولى... خلال فترة الحمل بدأ زوجي في  
الإبتعاد عنني كثيرا اكتشفت بعد ذلك أنه كان بسبب تعرفه على  
فتيات أخرى وخيانتته لي.... مرت الأيام و طلبت الطلاق أكثر من  
مرة بسبب خيانتته حتى أنني من الظلم الذي كنت اشعر به....  
دخلت في غيبوبة ومن ثم فقدت جزء من ذاكرتي... و عندما كنت  
في المستشفى جاء وأخرجني منها بالقوة و هدد أهلي بأنه يمكنه

رفع قضية علينا، و أنه عنده من الوسائط ما يكفيه لأن يكسب تلك القضية... خرجت معه و أنا مازلت لا أتذكر الكثير من الأشياء حتى أنى لم أكن اذكره شخصيا... كان يتركنى فى المنزل بمفردى ولا يعود إلا قرب الفجر... وفى تلك الأحيان تركت ابنتى عند صديقتى للإعتناء بها... استغل والداى خروجه الدائم فى إحضار الأطباء لعلاجى فى المنزل... وبعدها شفيت تماما بفترة وجيزة أخبرنى انه سيسافر لمعاينة بعض المواقع التى ستبنى عليها الشركة التى يديرها بعض العقارات... ولكن الحقيقة أنه كان ذاهبا لقضاء بعض الوقت فى إحدى بيوت الدعارة التى تديرها سكرتيرته... ولأن الله يمهل ولا يهمل، أوقعه الله فى شر اعماله بأن قتل مساعدته فى الشركة أو دعنا نقول عشيقته فى المنزل الذى كانت أنشأته للدعارة، ليحكم عليه بالإعدام، ومن ثم التخفيف ليصبح سجن مؤبد، و من ثم يتوسط له والده... و لأن هذه البلد تسير بالوسائط خفف له إلى خمسة عشر عاما... فى ذلك الوقت انتقلت إلى الأسكندرية بعدما اخذت درجة الدكتوراه، و من ثم نلت شرف تولى منصب رئيس قسم العلوم الطبيعية بالجامعة... و أخيرا عميدة لكلية العلوم حتى الان... رزقنى الله برجل عوضى عن ما رأيته فى حياتى ورزقنى الله منه بثلاثة اطفال... كما و تزوجت ابنتى الكبرى من ايام بعدما أنهت دراستها الجامعية... بعد طلاقى وانتقالى إلى الأسكندرية مباشرة دشنت جمعية حقك من حقك... بدأت بالمطلقات لأنهن مهمشات فى المجتمع... سمعت قصص كثيرة ويشهد الله أننى عندما أقص قصة لم أكن أتاجر بها، ولكن

لأخذ العبرة منها فقط.... توقفت عن العمل بالجمعية لفترة بسبب  
دارسة ابنتي، وظروف انتقالنا المفاجيء إلى القاهرة، ومن ثم  
خطبتها وتجهيزات الزفاف، و تولى منصب العميد يأخذ الكثير من  
وقتي ايضا... كما وأنى لم ولن أتوقف عن البحث العلمى فهو  
حياتى... أما من يدعون أننى توقفت لاننى صنعت تلك الجمعية  
لأتزوج او لأبرر زواجى فأنا تزوجت من رجل لم يأتى لى عن طريق  
الجمعية أصلا.... و أما عن العمل بالجمعية فإنه لم ولن يتوقف  
تحت اى ظروف، و سأظل أدافع عن حقوق المرأة وسأظل رافعة  
راية " حقك من حقك "، و فى القريب العاجل ستكون هناك  
مبادرات أخرى باذن الله فأنا لن أقتصر عملى على المطلقات لأنهن  
لسن الوحيدات المهمشات فى مجتمعنا... وفى النهاية أحب أن  
أقول.. ربما ان الله قد عوضنى فى هذه الدنيا.... كما و أرانى آياته فى  
من ظلمنى... وهناك إمراة أخرى تموت قهرا من ظلم رجل... لا  
تعلم متى سينتقم الله منه... أقول لها إن الله يمهل و لا يهمل....  
رسالتى إلى كل أهل يضغطون على ابنتهم كي تتزوج من أى رجل  
مناسب خوفا من العنوسة على حد قولهم... لا تزوجوا ابنتكم إلا  
لمن يستحقها... إلى كل أهل يحذرون ابنتهم من الطلاق وأنهم  
سوف يتبرأون منها إذا تطلقت، فيجعلوها تعيش كالمسجونة...  
كونوا لها العون والسند ولا تدفنوها بالتراب... أيام الجاهلية كانوا  
يدفنون الفتيات الصغار فجاء الإسلام وحرم الوأد... والأُن فى  
مجتمعاتنا العربية يدفنونها بالعادات والتقاليد، التى لا تمت  
للإسلام بصلة... فى رأيي أن ما تفعله الشعوب العربية فى فتياتها

هو وأد ايضاً، ولكن في الجاهلية كانوا يؤيدونها و هي ماتزال في المهدي، أما الان يؤيدونها يومياً حتى تنتقل إلى قبرها. فهل تعتقدون أن الله سيسامحكم على فعلاتكم تلك... (أفتؤمنون ببعض الكتاب وتكفرون ببعض)... نعم أنا مطلقة ولن اخجل أبداً بقول أنني مطلقة... ولكنني تحررت... ليس بسبب زواجي ولكن... بسبب تحرري من عاداتكم و تقاليدكم... فقولوا ما شئتم، لان الله يحق الحق و يظهره مهما طال الزمان.

## مطلقة ولكن... تحررت

مَدت بحمد الله